

四庫全書

史部

欽定四庫全書

史部

資治通鑑卷一百八十四

五四

詳校官修撰_臣錢 蔡

洗馬_臣王坦修覆勘

總校官知縣_臣楊懋珩

校對官中書_臣嵇承志

謄錄監生_臣劉耀馥

欽定四庫全書

資治通鑑卷一百八十四

宋

司馬光

撰

胡三省

音註

隋紀八

起強圉赤奮若
六月不滿一年

恭皇帝下

義寧元年六月己卯李建成等至晉陽

劉文靜勸李

淵與突厥相結

厥允勿翻 考異曰創業注突厥去規
今來報文武入賀帝曰且勿相賀當為

諸君召而使之即自中與突厥書益溫大
雅欲歸功高祖耳今從唐書劉文靜傳

資其士馬以

益兵勢淵從之自為手啓卑辭厚禮遺始畢可汗

遺于季翻

可從刊入聲汗音寒

考異曰創業注云仍命封題署

云名啓所司請改啓為書帝不許按太宗云太上皇稱

臣於突厥蓋謂此時

云欲大舉義兵遠迎主上復與突

但溫大雅諱之耳

厥和親如開皇之時若能與我俱南願勿侵暴百姓若

但和親坐受寶貨亦唯可汗所擇始畢得啓謂其大臣

曰隋主為人我所知也若迎以來必害唐公而擊我無

疑矣苟唐公自為天子我當不避盛暑以兵馬助之即

命以此意為復書使者七日而返將佐皆喜請從突厥

之言

使疏吏翻將即亮翻下同

淵不可裴寂劉文靜皆曰今義兵雖

集而戎馬殊乏胡兵非所須

須者意所欲也

而馬不可失若復

稽回

復扶又翻

恐其有悔淵曰諸君宜更思其次寂等乃請

尊天子為太上皇立代王為帝以安隋室移檄郡縣改

易旗幟雜用絳白以示突厥

隋色尚赤今用絳而雜之以白示若不純於隋幟昌

志翻厥九勿翻

淵曰此可謂掩耳盜鍾

此鄙語也言盜鍾者惡鍾聲之聞而掩耳盜之

此可以自欺而不可以欺人也

然逼於時事不得不爾乃許之遣使以

此議告突厥

使疏吏翻厥九勿翻

西河郡不從淵命甲申淵使建

成世民將兵擊西河

將即亮翻又音如字領也

考異

西河高祖太宗實錄但云命太宗徇西河蓋史官沒建
成之名耳唐殷嶠傳從隱太子攻西河今從創業注

命太原令太原溫大有與之偕行

隋志太原縣舊曰晉
陽開皇十年分置太

原縣而改後齊所置龍山縣為晉
陽縣二縣並帶太原郡令力正翻

曰吾兒年少

少詩
照翻

以

卿參謀軍事之成敗常以此行卜之時軍士新集咸

未閱習建成世民與之同甘苦遇敵則以身先之

先悲
薦翻

近道菜果非買不食軍士有竊之者輒求其主償之亦

不詰竊者

詰去
吉翻

軍士及民皆感悅至西河城下民有欲

入城者皆聽其入郡丞高德儒閉城拒守己丑攻拔之

執德儒至軍門世民數之曰汝指野鳥為鸞以欺人主

取高官

事見一百八十二卷大業十一年數所具翻又所主翻

吾興義兵正為誅

佞人耳

偽為于翻

遂斬之自餘不戮一人秋毫無犯各尉撫

使復業

尉與慰同

遠近聞之大悅

義師初起而人心如建成此固可以取天下矣

等引兵還晉陽往返凡九日

還從宣翻又音如字

淵喜曰以此行

兵雖橫行天下可也

言世民行兵有紀律也

遂定入關之計淵開

倉以賑貧民

賑津應募者日益多淵命為三軍分左右

通謂之義士裴寂等上淵號為大將軍

上時掌翻

癸巳建大

將軍府以寂為長史

長知兩翻

劉文靜為司馬唐儉及前長

安尉溫大雅為記室大雅仍與弟大有共掌機密武士

驥為鎧曹劉政會及武城崔善為太原張道源為戶曹

晉陽長上邽姜謩為司功參軍太谷長殷開山為府掾

此唐公開大將軍府署置官屬參用隋親王府大將軍府州郡官屬之制也隋制唯親王有掾有屬有記室大

將軍府有鎧曹州郡有戶曹皆行參軍也煬帝改州為郡郡置諸司書佐而書佐即參軍之職行書佐即行參

軍之職也隋志武城縣屬清河郡上邽縣帶天水郡太谷縣屬太原郡舊曰陽邑開皇十八年改名驥一號翻

鏡可亥翻 長兩翻 知翻 據以絹翻

長孫順德劉弘基竇琮及鷹揚郎

將高平王長諧天水姜寶誼陽屯為左右統軍

高平縣後魏置

高平郡隋已改為平高縣煬帝改秦州為天水郡 因古郡名也統軍後魏所置將即亮翻 統他綜翻 自餘

文武隨才授任又以世子建成為隴西公左領軍大都

督左三統軍隸焉世民為敦煌公

敦大門翻

右領軍大都督

右三統軍隸焉各置官屬以柴紹為右領軍府長史

此左

右領軍以總領左右軍而名非取 隋十二衛左右領軍之職而名也

諮議譙人劉瞻領西

河通守

此大將軍府諮議參軍也譙縣屬譙郡瞻而艷翻守式又翻

道源名河開山

名嶠皆以字行開山不害之孫也

殷不害以孝行聞於陳隋之間

李

密復帥衆向東都

復扶又翻下同帥讀曰率

丙申大戰于平樂園

此蓋

即漢魏平樂觀之地為園也然漢魏平樂觀在洛城西隋既遷營新都則平樂觀常在都城東樂音洛

密

左騎右步

騎奇寄翻

中列彊弩鳴千鼓以衝之東都兵大敗

密復取回洛倉

突厥遣其柱國康鞘利等

厥九勿翻鞘所交翻

送馬千匹詣李淵為互市許發兵送淵入關多少隨所

欲

少詩治翻下同

丁酉淵引見康鞘利等受可汗書禮容盡恭

可從刊入聲汗音寒

贈遺康鞘利等甚厚擇其馬之善者止市其

半義士請以私錢市其餘淵曰虜饒馬而貪利其來將

不已恐汝不能市也吾所以少取者示貧且不以爲急

故也當爲汝賞之

爲于偽翻賞時制翻賒也

不足爲汝費乙巳靈壽

賊帥郗士陵

隋志靈壽縣屬恒山郡帥所類翻郗丑之翻

帥衆數千降於淵

淵以爲鎮東將軍燕郡公

帥讀曰率降戶江翻燕因肩翻

仍置鎮東府

補僚屬以招撫山東郡縣已巳康鞘利北還淵命劉文

靜使於突厥以請兵

使疏吏翻下同

私謂文靜曰胡騎入中國

生民之大蠹也

騎奇寄翻

吾所以欲得之者恐劉武周引之

共為邊患又胡馬行牧不費芻粟聊欲藉之以為聲勢

耳數百人之外無所用之

觀唐公之言豈若肅代及石晉之君所為哉

秋

七月煬帝遣江都通守王世充將江淮勁卒將軍王隆

帥卬黃蠻

按唐書卬部有烏蠻白蠻又謂羣蠻種類多不可記意必有黃蠻也守式又翻下同充將

即亮翻又音如字領也帥讀曰率下同卬渠容翻

河北大使太常少卿韋霽河

南大使虎牙郎將王辯等

二人蓋皆討捕大使也使疏吏翻少始照翻將即亮翻下

同各帥所領同赴東都相知討李密

帥讀曰率考異曰雖記四月世充

帥淮南兵萬人援東都世充行至彭城懼密衆之盛自以兵少不敵乃間行自黎陽濟河而至七月世充帥留

守兵二萬擊密無功
今從畧記蒲山公傳

霽世康之子也

韋世康開皇四大總管之一

壬子李淵以子元吉為太原太守留守晉陽宮後事悉

以委之

守式又翻

癸丑淵帥甲士三萬發晉陽立軍門誓衆

并移檄郡縣諭以尊立代王之意西突厥阿史那大奈

亦帥其衆以從

大業八年分大奈之衆居樓煩故今亦從淵帥讀曰率厥凡勿翻從才用翻

甲寅遣通議大夫張綸將兵徇稽胡

稽胡部落居郿石間

丙辰淵

至西河慰勞吏民

勞力到翻

賑贍窮乏民年七十以上皆除

散官

朝議等八郎武騎等八尉皆散官也賑津忍翻贍而艷翻散悉賁翻

其餘豪俊隨才

授任口詢功能手注官秩一日除千餘人受官皆不取

告身

唐志補官者皆給以符謂之告身猶今言付身也

各分淵所書官名而去

淵入雀鼠谷壬戌軍賈胡堡

賈胡堡在霍邑西北括地志汾州靈石縣有賈胡堡

賈音古

去霍邑五十餘里代王侑遣虎牙郎將宋老生帥

精兵二萬屯霍邑

將即亮翻

左武侯大將軍屈突通屯河東

以拒淵

屈區勿翻

會積雨淵不得進遣府佐沈叔安等將羸

兵還太原更運一月糧

將如字即良翻羸倫為翻還從宣翻又音如字

乙丑張

綸克離石殺太守楊子崇

楊帝改石州為離石郡

劉文靜至突厥

見始畢可汗請兵且與之約

厥九勿翻可從刊入聲汗音寒 考異曰唐劉文靜

傳曰始畢曰唐公起事今欲何為文靜曰皇帝廢冢嫡傳位後主致斯禍亂唐公國之懿戚不忍坐觀成敗故

起義軍欲黜不當立者創業起居注先已再遣使至突厥不容始畢方有此問今不取 曰若入長

安民衆土地入唐公金玉繒帛歸突厥

繒慈陵翻 厥九勿翻

始畢

大喜丙寅遣其大臣級失特勒先至淵軍告以兵已上

道

上時掌翻

淵以書招李密

考異曰壺關錄云高祖屯壽陽遣右衛將軍張仁則齎書招

李密蒲山公傳密答書曰使至辱今月十九日書按長

歷是月已酉朔十九日丁卯不應已已還至霍邑又發書日不應猶在 密自恃兵彊欲為盟主使祖君彥復書

壽陽今皆不取

曰與兄派流雖異根系本同

唐公出於李虎密出於李弼是異派也然李弼之先

本遼東襄平人李虎祖西涼本隴西成紀人所謂根系但同姓耳

自唯虛薄為四海英

雄共推盟主

唯當作惟惟思也詳見審是

所望左提右挈戮力同心

執子嬰於咸陽

以謂代王

殪商辛於牧野

以謂煬帝殪於計割

豈不盛

哉且欲使淵以步騎數千自至河內

煬帝改懷州為河內郡騎奇寄翻

面結盟約淵得書笑曰密妄自矜大非折簡可致吾方

有事關中若遽絕之乃是更生一敵不如卑辭推獎以驕

其志使為我塞成臯之道綴東都之兵

塞成臯之道則江都信使不通

綴東都之兵則不得西應長安
折之舌翻為子偽翻塞悉則翻
我得專意西征俟關中

平定據險養威徐觀鷸蚌之勢以收漁人之功未為晚

也戰國策趙且伐燕蘇代為燕說趙惠王曰今者臣來
過易水蚌方出曝鷸啄其肉蚌合而排其喙鷸曰今

日不出必見死鷸漁父見而并獲之今燕趙相持臣恐

強秦之為漁父也唐公欲使李密與東

都相持而已收漁人之利鷸餘律翻乃使溫大雅復

書曰吾雖庸劣幸承餘緒出為八使漢順帝遣八使唐
公使山西河東故

云然使疏入典六屯隋制六軍十二衛唐
公嘗為將軍故云顛而不扶通

賢所責所以大會義兵和親北狄共匡天下志在尊隋

天生烝民必有司牧當今為牧非子而誰老夫年逾知

命

孔子曰五十而知天命

願不及此欣戴大弟攀鱗附翼唯弟早

膺圖籙以寧兆民宗盟之長屬籍見容

屬籍宗屬之籍長知兩翻

復

封於唐斯榮足矣殪商辛於牧野所不忍言執子嬰於

咸陽未敢聞命汾晉左右尚須安輯盟津之會未暇卜

期

盟讀曰孟

密得書甚喜以示將佐曰唐公見推天下不足

定矣

將即亮翻

自是信使往來不絕雨久不止淵軍中糧乏

劉文靜未返或傳突厥與劉武周乘虛襲晉陽淵召將

佐謀北還

厥九勿翻還從宣翻又音如字

裴寂等皆曰宋老生屈突通

連兵據險未易猝下

屈居勿翻易以鼓翻

李密雖云連和姦謀難

測突厥貪而無信唯利是視武周事胡者也太原一方

都會且義兵家屬在焉不如還救根本更圖後舉李世

民曰今未赦被野何憂乏糧老生輕躁一戰可擒

被皮義翻

躁則到翻

李密顧戀倉粟未遑遠略武周與突厥外雖相附

內實相猜武周雖遠利太原豈可近忘馬邑本興大義

奮不顧身以救蒼生當先入咸陽號令天下今遇小敵

遽已班師恐從義之徒一朝解體還守太原一城之地

為賊耳

還從宣翻
又音如字

何以自全李建成亦以為然淵不聽

促令引發世民將復入諫

令力丁翻
復扶又翻

會日暮淵已寢世

民不得入號哭於外聲聞帳中

號戶刀翻
聞音問

淵名問之世

民曰今兵以義動進戰則克退還則散衆散於前敵乘

於後死亡無日何得不悲淵乃悟曰軍已發奈何世民

曰右軍嚴而未發

嚴裝也

左軍雖去計亦未遠請自追之

淵笑曰吾之成敗皆在爾知復何言

復扶
又翻

唯爾所為世

民乃與建成夜追左軍復還

復音如字 考異曰創業注帝集文武官人及大郎

二郎等而謂之曰以天贊我應無此勢以人事見機而發無有不為借遣吾當突厥武周之地何有不來之理諸公謂云何議者以老生屈突通相去不遠李密誦詎奸謀難測突厥見利而行武周事胡者也太原一都之會義兵家屬在焉愚夫所慮伏聽教旨唐公顧謂大郎二郎曰爾輩何如對曰武周位極而志滿突厥少信而貪利外雖相附內實相猜突厥必欲來利太原寧肯近志馬邑武周悉其此勢未必同謀同志老生突厥奔競來拒進闕圖南退窮自北還無所入往無所之畏溺先沈近於斯矣今未菽被野人馬無憂坐即有糧行即得衆李密戀於倉粟未遑遠畧老生輕躁破之不疑定業取威在茲一決諸人保家愛命言不可聽而罷進軍若不殺老生兒等敢以死謝唐公喜曰爾謀得之吾其決矣三占從二何籍興言懦夫之徒幾敗乃公事耳太宗

實錄盡以為太宗之策無建成名蓋沒之耳據建
成同追左軍則建成意亦不欲還也今從創業注

丙子

太原運糧亦至

武威鷹揚府司馬李軌

煬帝改涼州為武威郡各

郡置鷹揚府有郎將副郎將長史司馬

家富好任俠

好呼到

薛舉作亂於

金城

是年夏四月薛舉起

軌與同郡曹珍關謹梁碩李贊安修仁

等謀曰

贊於倫翻

薛舉必來侵暴郡官庸怯勢不能禦吾輩

豈可束手并妻孥為人所虜邪

孥音奴邪音耶

不若相與并力

拒之保據河右以待天下之變眾皆以為然欲推一人

為主各相讓莫肯當曹珍曰久聞圖讖李氏當王

讖楚語翻

今軌在謀中乃天命也遂相與拜軌奉以為主丙辰軌

令修仁集諸胡

令力丁翻安氏涼州豪望世為民夷所附故使之集諸胡

軌結民間

豪傑共起兵執虎賁郎將謝統師郡丞韋士政

賁音奔將即亮

翻統他綜翻

軌自稱河西大涼王置官屬並擬開皇故事關

謹等欲盡殺隋官分其家貲軌曰諸人既逼以為主當

稟其號令今興義兵以救生民乃殺人取貨此羣盜耳

將何以濟於是以統師為太僕卿士政為太府卿西突

厥闕度設據會寧川

大業八年分闕度設居會寧厥九勿翻

自稱闕可汗

請降於軌

可從刊入聲汗音寒降戶江翻

薛舉自稱秦帝

考異曰唐高祖實錄

武德元年四月辛卯舉稱尊號按今冬舉敗問褚亮曰天子有降事否是則已稱尊號也今從唐書舉傳立

其妻鞠氏為皇后子仁果為皇太子遣仁果將兵圍天

水克之舉自金城徙都之仁果多力善騎射

將即亮翻騎奇寄翻

軍中號萬人敵然性貪而好殺嘗獲庾信子立怒其不

降磔於火上稍割以噉軍士

庾信自梁入關有文名史言薛仁果在兵間不能收

禮文藝名義之士卒以敗亡好呼到翻降戶江翻磔陟格翻噉徒濫翻

及克天水悲名富

人倒懸之以醋灌鼻責其金寶舉每戒之曰汝之才略

足以辦事然苛虐無恩終當覆我國家舉遣晉王仁越

將兵趨劍口至河池郡太守蕭瑀拒却之

劍口劍門關口舉指授仁

越使之趨劍口未至而蕭瑀以河池拒之遂退却將即亮翻下同趨七喻翻又遠須翻瑀音禹守式又翻又

遣其將常仲興濟河擊李軌與軌將李贇戰於昌松

隋志

昌松縣屬武威郡

仲興舉軍敗沒軌欲縱遣之贇曰力戰獲俘

復縱以資敵將焉用之不如盡阮之

復扶又翻下同焉於乾翻

軌曰

天若祚我當擒其主此屬終為我有若其無成留之何

益乃縱之

李軌不殺隋官縱薛舉兵皆有人君之言其才略不足以濟則徒言無益也

未幾

攻張掖敦煌西平枹罕皆克之

幾居豈翻敦徒門翻枹音膚

盡有河

西五郡之地

煬帝詔左禦衛大將軍涿郡留守薛世

雄將燕地精兵三萬討李密

燕因肩翻

命王世充等諸將皆

受世雄節度所過盜賊隨便誅翦世雄行至河間軍於

七里井

七里井蓋其地去河間七里故名

竇建德士衆惶懼悉拔諸城

南遁聲言還入豆子航

航各朗翻

世雄以為畏已不復設備

建德謀還襲之其處去世雄營百四十里建德帥敢死

士二百八十人先行

帥讀曰率

令餘衆續發建德與其士衆

約曰夜至則擊其營已明則降之

降戶江翻下同

未至一里所

天欲明建德惶惑議降會天大霧人咫尺不相辨建德

喜曰天贊我也

贊助也

遂突入其營擊之世雄士卒大亂

皆騰柵走世雄不能禁與左右數十騎遁歸涿郡

異曰考

革命記帝以李密在洛口征遼回日令右翊衛將軍薛世雄於留鎮兵內簡練精銳及幽易驍勇討密經過之處若有草竊隨便誅翦仍令王世充等諸軍並取世雄處分世雄乃自領精兵六萬四月末至河間郡城下作營州縣皆備牛酒軍糧以待薛將軍時建德以無糧食兵士先皆分散餘軍不滿千人在武強縣境收麥充食聞世雄兵至河間惶懼無計問一女巫欲走避之如何巫云不免問欲首如何巫云亦不吉問欲掩其不備擊

之如何巫云今夜天未明到大吉卜時日巳午卜處去
河間一百四十里建德簡精兵二百八十人先行餘勒
續發建德與衆決云夜到即打明即降之吉凶之事在
此舉耳遂行去世雄營二里天巳屬明又聞吹角聲擬
發建德惶惑欲降須臾大霧忽起建德曰此天助我也
遂引兵入營攻之兵遂大亂世雄左右先巳裝束擬發
世雄遂得上馬奔走仍中數槍僅而獲免幽易之士並
不欲作留鎮兵先無闢意既不知賊多少悉弃甲奔亡
遂使山東賊勢轉盛李密先招慰河北州縣多悉從之
世雄慙憤而卒唐竇建德傳云七月世雄討之建德帥
敢死士千人襲之世雄以數百騎遁去今
從隋薛世雄傳以建德傳革命記參之 慙恚發病卒

恚於避
卒子恆翻

建德遂圍河間

八月巳卯雨霽庚辰李淵

命軍中曝鎧仗行裝

鎧可
亥翻

辛巳旦東南由山足細道趣

霍邑

趣七喻翻
又遼須翻

淵恐宋老生不出李建成李世民曰老

生勇而無謀以輕騎挑之

挑徒了翻

理無不出脫其固守則

誣以貳於我彼恐為左右所奏安敢不出淵曰汝測之

善老生不能逆戰賈胡

謂淵屯賈胡堡時老生不能逆戰賈音古

吾知其無

能為也淵與數百騎先至霍邑城東數里以待步兵使

建成世民將數十騎至城下舉鞭指麾若將圍城之狀

且詬之

騎奇寄翻
詬苦候翻

老生怒引兵三萬自東門南門分道

而出淵使殷開山趣召後軍

趣讀曰促

後軍至淵欲使軍士

先食而戰世民曰時不可失淵乃與建成陳於城東世

民陳於城南

陳讀曰陣下同

淵建成戰小却世民與軍頭臨淄

段志玄自南原引兵馳下

新唐志曰武德元年改鷹揚郎將曰軍頭蓋起兵之初已

置軍頭也後又改軍頭為驃騎將軍隋志臨淄縣屬北海郡

衝老生陳出其背世民

手殺數十人兩刀皆缺流血滿袖灑之復戰淵兵復振

復扶又翻

因傳呼曰已獲老生矣老生兵大敗淵兵先趣其

門

趣七喻翻

門閉老生下馬投塹劉弘基就斬之僵尸數里

塹七艷翻

日已暮淵即命登城時無攻具將士肉薄而

僵居良翻

登遂克之淵賞霍邑之功軍吏疑奴應募者不得與良

人同淵曰矢石之間不辨貴賤論勲之際何有等差宜

並從本勲授壬午淵引見霍邑吏民勞賞如西河勞力到翻

選其丁壯使從軍關中軍士欲歸者並授五品散官帝煬

置散職九大夫朝請大夫正五品朝散大夫從五品散悉但翻遣歸既順其歸志又以動關中士民之心

或諫以官太濫淵曰隋氏吝惜勲賞此所以失人心也

奈何效之且收衆以官不勝於用兵乎丙戌淵入臨汾

郡平陽古郡名後改置唐州後改為晉州開皇初改郡曰平河平陽縣改曰臨汾縣惡平陽之名也大業初

改曰臨汾郡

慰撫如霍邑庚寅宿鼓山

鼓山在絳郡北

絳郡通守陳

叔達拒守

通守式又翻煬帝改絳州為絳郡

辛卯進攻克之叔達陳高

宗之子有才學淵禮而用之癸巳淵至龍門

龍門縣屬河東郡在

郡東北

劉文靜康鞘利以突厥兵五百人馬二千匹來至

淵喜其來緩謂文靜曰吾西行及河突厥始至兵少馬

多皆君將命之功也

厥九勿翻少詩沼翻

汾陽薛大鼎說淵

按新唐書

薛大鼎蒲州汾陰人隋唐志亦皆無汾陽縣陽常作陰說式芮翻

請勿攻河東自龍門

直濟河據永豐倉傳檄遠近關中可坐取也淵將從之

諸將請先攻河東乃以大昂為大將軍府察非掾

察非掾言

使之察姦非若漢刺姦掾也煬帝時左右候衛府增置察非掾諸將即亮翻掾俞絹翻

河東縣戶

曹任瓌

河東縣帶河東郡舊曰蒲坂開皇十六年改名隋制縣置金戶兵法士等曹佐任音壬瓌古回

翻說淵曰關中豪傑皆企踵以待義兵瓌在馮翊積年

瓌仁壽中為馮翊韓城尉說式苒翻企去智翻

知其豪傑請往諭之必從風而

靡義師自梁山濟河指韓城逼郃陽

梁山在韓城縣界臨河即左傳所謂

梁山崩者也韓城郃陽二縣皆屬馮翊郡隋所置也杜佑曰同州韓城縣漢為夏陽縣有梁山龍門山宋白曰今韓城縣西南三里有夏陽故城乃韓國故城今縣理南二十五里有少梁故城隋文帝分郃陽故城於此置

韓城縣以古韓城
為名郃古沓翻

蕭造文吏必當望塵請服孫華之徒

皆當遠迎然後鼓行而進直據永豐雖未得長安關中

固已定矣淵悅以瓌為銀青光祿大夫

隋制銀青光祿散職從三品

時關中羣盜孫華最彊丙申淵至汾陰以書招之

汾陰縣屬

河東郡

已亥淵進軍壺口

隋志文城郡昌寧縣有壺口山

河濱之民獻舟

者日以百數仍置水軍壬寅孫華自郃陽輕騎渡河見

淵

騎奇寄翻下同

握手與坐慰獎之以華為左光祿大夫武

鄉縣公領馮翊太守

隋制散職左光祿正二品馮翊縣後魏曰華陰西魏改曰武鄉大業

初改曰馮翊今以開皇舊縣名封華守式又翻

其徒有功者委華以次授官賞

賜甚厚使之先濟繼遣左右統軍王長諧劉弘基及左

領軍長史陳演壽

陳演壽建成府元僚長知兩翻

金紫光祿大夫史大

奈

金紫光祿散職正三品

將步騎六千自梁山濟營於河西以待

大軍以任瓌為招慰大使瓌說韓城下之淵謂長諧曰

屈突通精兵不少

任音壬瓌古回翻使疏吏翻說式芮翻少詩治翻

相去五十

餘里不敢來戰足明其衆不為之用然通畏罪不敢不

出若自濟河擊卿等則我進攻河東必不能守若全軍

守城則卿等絕其河梁

河梁謂蒲津橋

前扼其喉後拊其背彼

不走必為擒矣

驍果從煬帝在江都者多逃去

驍堅亮翻

帝患之以問裴矩對曰人情非有匹偶難以久處

處呂翻

請聽軍士於此納室帝從之九月悉召江都境內寡婦

處女集宮下恣將士所取或先與姦者聽自首

處昌呂翻將即

亮翻首羊又翻

即以配之

武陽郡丞元寶藏以郡降李密

煬帝

改魏州為武陽郡降戶江翻下同

甲寅密以寶藏為上柱國武陽公寶

藏使其客鉅鹿魏徵為啓謝密

隋志鉅鹿縣屬襄國郡

且請改武

陽為魏州又請帥所部西取魏郡

煬帝改相州為魏郡帥讀曰率

南會

諸將取黎陽倉

汲郡黎陽縣有黎陽倉將即亮翻

密喜即以寶藏為魏

州總管召魏徵為元帥府文學參軍掌記室

帥所類翻

徵少

孤貧好讀書有大志

少詩照翻好呼到翻

落拓不事生業始為道

士寶藏名典書記密愛其文辭故名之初貴鄉長弘農

魏德深

隋志貴鄉縣帶武陽郡劉昫曰魏州漢魏郡元城縣之地後魏天平二年分館陶西界於今州

西北三十里古趙城置貴鄉縣後魏建德七年以趙城早濕西南移三十里就孔思集寺為貴鄉縣大象二年於縣置魏州隋改名武陽郡隋志魏德深本鉅鹿人家弘農陞河南郡陝縣後魏之弘農郡也弘農郡之弘農

縣後魏之西弘農郡也魏避諱弘作恒長知兩翻

為政清靜不嚴而治

治直吏翻

遼

東之役徵稅百端使者旁午責成郡縣民不堪命唯貴

鄉閭里不擾有無相通不竭其力所求皆給元寶藏受

詔捕賊數調器械

數所角翻調徒鈞翻

動以軍法從事其鄰城營

造皆聚於聽事

聽讀曰廳

官吏遞相督責晝夜喧囂猶不能

濟德深聽隨便修營官府寂然恒若無事

恒戶登翻

唯戒吏

以不須過勝餘縣使百姓勞苦然民各自竭心常為諸

縣之最民愛之如父母寶藏深害其能遣將千兵赴東

都

將即亮翻

所領兵聞寶藏降密思其親戚輒出都門東向

慟哭而返或勸之降密皆泣曰我與魏明府同來何忍

弃去河南山東大水餓殍滿野

殍平表翻

煬帝詔開黎陽倉

賑之吏不時給死者日數萬人徐世勣言於李密曰天

下大亂本為饑饉

為于偽翻

今更得黎陽倉大事濟矣密遣

世勣帥麾下五十人自原武濟河

隋志原武縣屬滎陽郡開皇十六年置帥

讀曰

會元寶藏郝孝德李文相及洹水賊帥張升清河

賊帥趙君德兵襲破黎陽倉據之

隋志洹水縣屬魏郡後周置洹子元翻又

音桓帥所類翻 考異曰河洛記今年四月祖君彥檄云又得回洛復取黎陽天下之倉盡非隋有而九月魏徵啓方勸取黎陽蓋君彥為檄欲虛張聲勢非事實也 開倉恣民就食浹旬間得

勝兵二十餘萬

浹予協翻勝音升 勦初得黎陽倉就食者數十萬人魏徵

考異曰唐李勣傳

高季輔杜正倫郭孝恪皆客游其所一見於衆人中即加禮敬引之卧內談謔忘倦按徵為元寶藏作啓方謀取黎陽倉高季輔已為汲令杜正倫為羽騎都尉郭孝恪先在密所足知此事為虛今不取 余按隋置羽騎

尉都字衍

武安永安義陽弋陽齊郡相繼降密

煬帝改洛州為武安郡黃

州為永安郡義陽郡齊梁曰司州後魏曰郢州後周改申州大業二年改義州尋改為郡改光州為弋陽郡改

齊州為齊郡

竇建德朱粲之徒亦遣使附密

使疏

密以粲為

揚州總管鄧公

以聚總管揚州而爵為鄧公也

泰山道士徐洪客獻書

於密以為大衆久聚恐米盡人散師老厭戰難可成功
勸密乘進取之機因士馬之銳沿流東指直向江都執
取獨夫號令天下密壯其言以書招之洪客竟不出莫

知所之

乙卯張綸徇龍泉文成等郡

煬帝改隰州為龍泉郡治隰川

縣漢之蒲子縣也改汾州為文成郡治吉昌縣後魏定陽縣也

皆下之獲文成太守鄭

元璿元璿譯之子也

成隋文帝業者鄭譯也守式又翻璿殊玉翻

屈突通

遣虎牙郎將桑顯和將驍果數千人夜襲王長諧等營

長諧等戰不利

將即亮翻帥驍果精

考異曰創業注云桑顯和

營諧及孫華等奉教備陳故並覺之伺和赴營設伏分擊應時推散唐高祖本紀云義師不利太宗以遊騎數

百掩其後顯和潰散按太宗時未過孫華史大奈以遊河西今從高祖實錄及唐史大奈傳

騎自後擊顯和大破之

騎奇翻

顯和脫走入城仍自絕河

梁丙辰馮翊太守蕭造降於李淵造脩之子也

梁宜豐侯循一

脩作戊午淵帥諸軍圍河東

降戶江翻帥讀曰率

考異

軍圍河東郡屈突通不敢出閉門自守城甚高峻不易可攻唐公觀義士等志試遣登之南而下餘人應時而上時值雨甚公命旋師軍人時速上城不時速下公曰屈突宿衛舊人解安陣隊野戰非其所長嬰城善為捍

禦我師常勝入必輕之驍銳先登恐無還路今且示威而已未是攻城之時殺人得城知何所用乃命還唐高祖實錄云驍勇千餘人已登其南城高祖在東原會暴雨高祖鳴角收衆由是不克溫大雅因為虛美耳今不

取

屈突通嬰城自守將佐復推淵領太尉

復扶又翻

增置官

屬淵從之時河東未下三輔豪傑至者日以千數淵欲

引兵西趣長安

趣七喻翻又逡須翻

猶豫未決裴寂曰屈突通擁

大衆憑堅城吾捨之而去若進攻長安不克退為河東

所踵腹背受敵此危道也不若先克河東然後西上

上時

掌翻

長安恃通為援通敗長安必破矣李世民曰不然兵

貴神速吾席累勝之威撫歸順之衆鼓行而西長安之

人望風震駭智不及謀勇不及斷

亂斷丁翻

取之若振槁葉

耳若淹留自弊於堅城之下彼得成謀脩備以待我坐

費日月衆心離沮

沮在呂翻

則大事去矣且關中蜂起之將

未有所屬不可不早招懷也

將即亮翻下同

屈突通自守虜耳

不足為慮淵兩從之留諸將圍河東自引軍而西朝邑

法曹武功靳孝謨以蒲津中潭二城降

隋志朝邑縣屬馮翊郡後魏曰

南五泉西魏改焉其地當蒲津橋西唐改為河西縣梁大河為橋故有中潭朝直遙翻靳居城翻潭徒旱翻降

戶江翻

華陰令李孝常以永豐倉降

隋志華陰縣屬京兆郡華戶化翻

仍應接河西諸軍孝常圓通之子也

李圓通寵任於開皇之初京兆

諸縣亦多遣使請降

使疏吏翻

王世充韋霽王辯及河內

通守孟善誼河陽郡尉獨孤武都

河陽非郡也隋制舊有兵處州刺史帶諸

軍事以統之煬帝罷州置郡別置都尉領兵與郡相知郡尉當作都尉

各帥所領會東都

帥讀曰率下同

唯王隆後期不至

王隆帥印黃璽者也

已未越王侗使虎

賁郎將劉長恭等帥留守兵龐玉等帥偃師兵與世充

等合十餘萬衆擊李密於洛口

賁音奔守式又翻帥讀曰率考異曰畧記作

乙丑河洛記作十二日蒲山公傳九月十一日師出東都按長厯是月己酉朔乙丑十七日也今從蒲山公傳

與密夾洛水相守煬帝詔諸軍皆受世充節度

考異曰畧記

云世充擊密罔不摧破露布相續而來百姓忻忻歡詠於道蒲山公傳云自秋徂冬凡經三十餘戰世充多敗績河洛記云四十餘戰世充無功三書相違帝遣攝江莫知孰是今皆不取唯勝負有顯狀者存之

都郡丞馮慈明向東都為密所獲密素聞其名

慈明事煬帝於

并省歷位于朝其名夙著

延坐勞問

勞力到翻

禮意甚厚因謂曰隋祚已

盡公能與孤立大功乎慈明曰公家歷事先朝

朝直遙翻

榮

祿兼備不能善守門閤乃與玄感舉兵偶脫罔羅得有

今日唯圖反噬未諭高旨莽卓敦玄

王莽董卓
王敦桓玄非不彊

盛一朝夷滅罪及祖宗僕死而後已不敢聞命密怒囚

之慈明說防人席務本

說輪
為翻

使亡走奉表江都及致書

東都論賊形勢至雍丘為密將李公逸所獲

將即亮
翻下同

密

又義而釋之出至營門翟讓殺之慈明子琮之子也

馮子

琮事高齊死於
琅邪王儼之難

密之克洛口也

是年二月
密克洛口

箕山府郎將

張季珣固守不下

大業十二年
移箕山
公路二府守洛口倉

密以其寡弱遣

人呼之季珣罵密極口密怒遣兵攻之不能克時密衆

數十萬在其城下李珣四面阻絕所領不過數百人而

執志彌固誓以必死久之糧盡水竭

城在原上汲道不通故水竭

士

卒羸病

羸倫為翻

李珣撫循之一無離叛自三月至于是月

城遂陷李珣見密不肯拜曰天子爪牙何容拜賊密猶

欲降之誘諭終不屈乃殺之

降戶江翻季珣傳云密攻之經三年

考異曰隋書

遂為所陷又云密壯而釋之翟讓從求金不得遂殺之河洛記曰自三月至九月不下後為糧盡水竭乃被推陷生獲珣於牙門遣人宣之以降為度珣更張目極罵不肯低屈遂殺之按密明年已降唐安得三年攻守其山之事今參取二書

李珣祥之子也

漢王諒舉兵張祥守井陘不下

庚中李淵帥諸軍濟河

帥讀曰率下同

甲子至朝邑舍於長春

宮

隋志朝邑縣有長春宮

關中士民歸之者如市丙寅淵遣世子

建成司馬劉文靜帥王長諧等諸軍數萬人屯永豐倉

守潼關以備東方兵慰撫使竇軌等受其節度敦煌公

世民帥劉弘基等諸軍數萬人徇渭北慰撫使殷開山

等受其節度軌琮之兄也冠氏長子志寧安養尉顏師

古

冠氏春秋邑名隋分館陶東界置冠氏縣屬武陽郡安養縣屬襄陽郡劉昫曰漢鄧城古樊城也宋改安

養縣後周廢山都樊城二縣入馬使疏吏翻敦徒門翻

及世民婦兄長孫無忌謁

見淵於長春宮

兄長知兩翻見賢遍翻

師古名籀以字行

籀直又翻志

寧宣敏之兄子

子宣敏見一百七十五卷陳宣帝太建十三年

師古之推之孫

也

顏之推見一百七十三卷陳宣帝太建九年

皆以文學知名無忌仍有才

畧淵皆禮而用之以志寧為記室師古為朝散大夫無

忌為渭北行軍典籤

朝散大夫隋散職從五品自親王府至州郡皆有典籤朝直遙翻

屈突通聞淵西入署鷹揚郎將湯陰堯君素領河東通

宇

隋志湯陰縣屬汲郡

使守蒲坂

隋河東郡治河東縣古蒲坂也坂音反

自引兵數

萬趣長安

趣七喻翻趨藍田赴長安

疑其太迂今但云趨長安

為劉文靜所遏將軍劉綱戍潼關屯都尉南城

隋潼關有守兵

故置都尉

通欲往依之王長諧先引兵襲斬綱據城以拒通

通退保北城淵遣其將呂紹宗等攻河東不能克

將即亮翻

柴紹之自長安赴太原也

是年五月紹赴太原

謂其妻李氏曰尊

公舉兵今偕行則不可留此則及禍奈何李氏曰君弟

速行

弟與第同

我一婦人易以潛匿

易以政翻

當自為計紹遂行

李氏歸鄠縣別墅

隋志鄠縣屬京兆郡鄠音戶墅承與翻

散家貲聚徒衆

淵從弟神通在長安

從才用翻下之從同

亡入鄠縣山中與長安

大俠史萬寶等起兵以應淵西域商胡何潘仁入司竹

園為盜

隋志京兆府藍屋縣有司竹園

有衆數萬劫前尚書右丞李綱

為長史

長知兩翻

李氏使其奴馬三寶說潘仁

說輸尚翻

與之就

神通合勢攻鄠縣下之神通衆逾一萬自稱關中道行

軍總管以前樂城長令狐德棻為記室

考之隋志云信安郡有樂城縣

又河南郡樂壽縣舊曰樂城長知兩翻令力定翻棻扶分翻下同

德棻熙之子也

令狐熙事

宇文氏著勞績於河西

李氏又使馬三寶說羣盜李仲文向善志

丘師利等皆帥衆從之仲文密之從父師利和之子也

丘和以饋食為煬帝所寵
用說輸為翻帥讀曰率
西京留守屢遣將討潘仁等

皆為所敗敗補李氏徇整屋武功始平皆下之整屋音

志始平縣屬京兆郡唐改曰興平眾至七萬左親衛段綸文振之子也舟室隋

娶淵女段文振見一百八十一卷大業八年考異曰

子玄唐高祖實錄云隱太子以琅邪長公主妻之劉

高密大長公主適段綸益改封亦聚徒於藍田隋志

縣屬京得萬餘人及淵濟河神通李氏綸各遣使迎淵

使疏吏淵以神通為光祿大夫子道彥為朝請大夫綸

為金紫光祿大夫

隋散職光祿從一品金紫正

三品朝請正五品朝直遙翻使柴紹

資治通鑑

卷

將數百騎並南山迎李氏

將即亮翻騎奇計翻並步浪翻自華山而南接盤屋鄠杜

諸山皆長安南山也

何潘仁李仲文向善志及關中羣盜皆請降

於淵淵一一以書慰勞授官

降戶江翻勞力到翻下同

使各居其所

受敦煌公

敦煌徒門翻

世民節度刑部尚書領京兆內史衛文

昇年老

煬帝改京兆河南尹為內史

聞淵兵向長安憂懼成疾不復

預事

復扶又翻

獨左翊衛將軍陰世師京兆郡丞骨儀奉代

王侑乘城拒守已巳淵如蒲津庚午自臨晉濟渭

朝邑古臨

晉地至永豐勞軍開倉賑飢民

賑津忍翻

辛未還長春宮壬申

進屯馮翊

隋志馮翊縣帶郡

世民所至吏民及羣盜歸之如流

世民收其豪俊以備僚屬營于涇陽

涇陽縣屬京兆郡

勝兵九

萬

勝音升下同

李氏將精兵萬餘會世民於渭北與柴紹各

置幕府號娘子軍先是平涼奴賊數萬圍扶風太守竇

瑊

帝改原州為平涼郡岐州為扶風郡先悉薦翻守式又翻瑊將鄰翻

數月不下賊中食

盡丘師利遣其弟行恭帥五百人負米麥持牛酒詣奴

賊營

帥讀曰率

奴帥長揖行恭手斬之

帥所類翻

謂其衆曰汝輩

皆良人何故事奴為主使天下謂之奴賊衆皆俯伏曰

願改事公行恭即帥其衆與師利共謁世民於渭北

帥讀

曰率下同世民以為光祿大夫璿琮之從子也

從才用翻

隰城尉

房玄齡謁世民於軍門

考異曰舊唐書玄齡傳云溫彥博又薦焉按彥博時在羅藝

所今不取

世民一見如舊識署記室參軍引為謀主玄齡亦

自以為遇知己罄竭心力知無不為淵命劉弘基殷開

山分兵西畧扶風有衆六萬南度渭水屯長安故城

考

異曰創業注云敦煌公自涇陽趨司竹留弘基開山屯長安故城今從唐書弘基傳城中出戰弘

基逆擊破之世民引兵趨司竹李仲文何潘仁向善志

皆帥衆從之頓于阿城

趣七喻翻帥讀曰率阿城即秦阿房宮城

勝兵十三

萬軍令嚴整秋毫不犯乙亥世民自盤屋遣使白淵請

期日赴長安淵曰屈突東行不能復西不足虞矣

屈居勿翻

復扶又翻

乃命建成選倉上精兵自新豐趣長樂宮

新豐縣屬京兆

郡長樂宮故漢宮也樂音洛

世民帥新附諸軍北屯長安故城

自盤屋趣

長安故謂之北

至並聽教

並至所期之地聽教令

延安上郡雕陰皆請降

於淵丙子淵引軍西行

自馮翊西行降戶江翻

所過離宮園苑皆

罷之出宮女還其親屬冬十月辛巳淵至長安營於春

明門之西北

春明門長安城東面三門之中門也

諸軍皆集合二十餘萬

淵命各依壁壘毋得入村落侵暴屢遣使至城下諭衛

文昇等以欲尊隋之意不報辛卯命諸軍進圍城甲午

淵遷館於安興坊

安興坊蓋在安興門外雍錄長安城東面三門通化春明安興帥讀曰率

巴陵校尉鄱陽董景珍雷世猛旅帥鄭文秀許玄徹

萬瓚徐德基郭華沔陽張繡等謀據郡叛隋

隋志巴陵郡梁置巴

州平陳改曰岳州大業初改曰羅州尋改為郡煬帝改大都督為校尉帥都督為旅帥沔陽郡後置復州大業

初改曰沔州尋改為郡校戶教翻帥所類翻下同瓚藏旱翻沔充翻

推景珍為主景珍

曰吾素寒賤不為衆所服羅川令蕭銑梁室之後

按隋書帝

紀羅川縣即巴陵郡之羅縣銑梁宣帝曾孫巖之孫

寬仁大度請奉之以從衆望

乃遣使報銑

使疏吏翻

銑喜從之聲言討賊召募得數千人

銑巖之孫也

蕭巖奔陳見開皇八年見殺見九年

會潁川賊帥沈柳生寇

羅川

煬帝改許州為潁川郡

銑與戰不利因謂其衆曰今天下皆

叛隋政不行巴陵豪傑起兵欲奉吾為主若從其請以

號令江南可以中興梁祚以此名柳生亦當從吾矣衆

皆悅聽命乃自稱梁公改隋服色旗幟皆如梁舊柳生

即帥衆歸之以柳生為車騎大將軍起兵五日遠近歸附者至數萬人遂帥衆向巴陵景珍遣徐德基帥郡中豪傑數百人出迎

幟昌志翻帥讀曰率騎奇寄翻

未及見銑柳生與其

黨謀曰我先奉梁公勲居第一今巴陵諸將皆位高兵多我若入城返出其下不如殺德基質其首領

將即亮翻質音

致獨挾梁公進取郡城則無出我右者矣遂殺德基入白銑銑大驚曰今欲撥亂反正忽自相殺吾不能為若主矣因步出軍門柳生大懼伏地請罪銑責而赦之陳

兵入城景珍言於銑曰徐德基建義功臣而柳生無故

擅殺之此而不誅何以為政且柳生為盜日久今雖從

義凶悖不移

悖蒲妹翻又蒲沒翻

共處一城

處昌呂翻

勢必為變失今

不取後悔無及銑又從之景珍收柳生斬之其徒皆潰

去丙申銑築壇燔燎自稱梁王改元鳴鳳 壬寅王世

充夜度洛水營於黑石明日分兵守營自將精兵陳於

洛北李密聞之引兵度洛逆戰密兵大敗柴孝和溺死

密帥麾下精騎度洛南

將即亮翻陳讀曰陣帥讀曰率

餘衆東走月城

月城蓋臨洛水築偃月城與倉城相應

世充追圍之密自洛南策馬直趣

黑石

趣七喻翻

營中懼連舉六烽世充釋月城之圍狼狽自

救密還與戰大破之斬首三千餘級甲辰李淵命諸

軍攻城約母得犯七廟及代王宗室違者夷三族孫華

中流矢卒

中竹仲翻

十一月丙辰軍頭雷永吉先登

考異曰唐高

祖實錄作雷緒今從創業注

遂克長安代王在東宮左右奔散唯侍

讀姚思廉侍側軍士將登殿思廉厲聲訶之曰唐公舉

義兵匡帝室卿等母得無禮衆皆愕然布立庭下

訶虎何翻

愕五
各翻

淵迎王於東宮遷居大興殿後

大興殿隋宮正殿也未即尊位故居

殿後

聽思廉扶王至順陽閣下泣拜而去思廉察之子也

姚察事陳
以文義稱

淵還舍於長樂宮

樂音洛

與民約法十二條悉

除隋苛禁淵之起兵也留守官發其墳墓毀其五廟

隋制

諸公立
五廟

至是衛文昇已卒戊午執陰世師骨儀等數以

貪婪苛酷且拒義師俱斬之

卒子恤翻數所具翻又所主翻按隋書稱陰世師少

有節槩性忠厚多武藝骨儀性剛鯁有不可奪之志于時朝政浸亂濁貨公行天下士大夫莫不變節儀獨厲志守常介然獨立如此則皆隋之良也唐公特以其發墳墓毀家廟拒守不下而誅之數以貪婪苛酷非其罪

也觀通鑑所書可謂微而顯矣樊盧舍翻考異曰隋書北史衛玄傳皆曰城陷歸于家義寧中卒按文昇與

二人俱為留守官不容獨免今從唐本紀死者十餘人餘無所問馬邑郡丞

三原李靖素與淵有隙

隋志三原縣屬京兆郡煬帝改朔州為馬邑郡考異曰柳芳

唐歷及唐書靖傳云高祖擊突厥於塞外靖察高祖知有四方之志因自鎖上變將詣江都至長安道塞不通而止按太宗謀起兵高祖尚未知知之猶不從當擊突厥之時未有異志靖何從察知之又上變當乘驛取疾何為自鎖也今依靖行狀云昔在隋朝曾經忤旨及茲城陷高祖追責舊言公忼慨直論特蒙宥釋但行狀題云魏徵撰非也按徵以貞觀十七年卒靖三十三年乃卒蓋後人為之託徵名又叙靖事極怪誕無取唯此可為據

淵入城將斬之靖大呼曰呼火公興義兵欲平暴

故翻

亂乃以私怨殺壯士乎世民為之固請

為于偽翻

乃捨之世

民因名置幕府靖少負志氣有文武才畧其舅韓擒虎

每撫之曰可與言將帥之畧者獨此子耳

少詩照翻將即亮翻帥所

類翻

王世充自洛北之敗堅壁不出越王侗遣使勞之

侗他紅翻又音同使疏吏翻勞力到翻

世充慙懼請戰於密丙辰世充與

密夾石子河而陳密布陳南北十餘里

陳讀曰陣

翟讓先與

世充戰不利而退世充逐之王伯當裴仁基從旁橫斷

其後密勒中軍擊之世充大敗西走

考異曰前已有丙辰戊午欲各叙

西京東都事使不相亂故重出按通鑑
下文書戊午殺翟讓考異於此兼言之
翟讓司馬王儒

信勸讓自為大冢宰總領衆務以奪密權讓不從讓兄

柱國滎陽公弘

考異曰河洛記作洪今從蒲山公傳

粗愚人也謂讓曰天

子汝當自為奈何與人汝不為者我當為之讓但大笑

不以為意密聞而惡之

惡乃路翻

總管崔世樞自鄆陵初附

於密

鄆陵縣隋屬潁川郡鄆翻又於建翻又音偃

讓囚之私府責其貨世

樞營求未辦遽欲加刑讓召元帥府記室邢義期博逵

巡未就杖之八十

帥所類翻逵七旬翻

讓謂左長史房彥藻曰君

前破汝南

長知兩翻煬帝改蔡州為汝南郡

大得寶貨獨與魏公全不

與我魏公我之所立事未可知彥藻懼以狀告密因與

左司馬鄭頤共說密曰讓貪愎不仁

頤他鬲翻說式芮翻愎符逼翻

有

無君之心宜早圖之密曰今安危未定遽相誅殺何以

示遠頤曰毒蛇螫手壯士解腕

螫音釋腕烏貫翻

所全者大故

也彼先得志悔無所及密乃從之置酒召讓戊午讓與

兄弘及兄子司徒府長史摩侯同詣密密與讓弘裴仁

基郝孝德共坐單雄信等皆立侍

長知兩翻郝呼各翻單慈淺翻考異曰

河洛記云密讓讓凡子摩侯王
儒信同榻而坐今從蒲山公傳

房彥藻鄭顥往來檢校

密曰今日與達官飲不須多人

達官猶言顯官也

左右止留給

使而已密左右皆引去讓左右猶在彥藻白密曰今方

為樂

樂音洛

天時甚寒司徒左右請給酒食密曰聽司徒

進止讓曰甚佳乃引讓左右盡出獨密下壯士蔡建德

持刀立侍食未進密出良弓與讓習射讓方引滿建德

自後斫之踣於牀前

踣蒲北翻

聲若牛吼并弘摩侯儒信皆

殺之徐世勣走出門者斫之傷頸王伯當遙訶止之單

雄信叩頭請命密釋之左右驚擾莫知所為密大言曰

與君等同起義兵本除暴亂司徒專行暴虐陵辱羣僚

無復上下今所誅止其一家諸君無預也命扶徐世勣

置幕下親為傅瘡

為于
偽翻

讓麾下欲散密使單雄信前往

宣慰密尋獨騎入其營

獨騎猶言單騎
也騎奇寄翻

歷加撫諭令世

勣雄信伯當分領其衆中外遂定讓殘忍摩侯猜忌儒

信貪縱故死之日所部無哀之者然密之將佐始有自

疑之心矣始王世充知讓與密必不久睦冀其相圖得

從而乘之及聞讓死大失望歎曰李密天資明決為龍
為蛇固不可測也 壬戌李淵備灋駕迎代王即皇帝

位於天興殿

天興殿當作大興殿

時年十三大赦改元

改元義寧

遙尊

煬帝為太上皇甲子淵自長樂宮入長安以淵為假黃

鉞使持節大都督內外諸軍事尚書令大丞相進封唐

王

樂音洛使疏吏翻令力定翻相息亮翻

以武德殿為丞相府改教稱令

日於虔化門視事

虔化門在大興殿前東偏

乙丑榆林靈武平涼安

定諸郡皆遣使請命

使疏吏翻

丙寅詔軍國機務事無大小

文武設官位無貴賤憲章賞罰咸歸相府唯郊祀天地

四時禘祫奏聞

祫戶夾翻

置丞相府官屬

考異曰唐帝紀在十二月癸未今

從創業注

以裴寂為長史劉文靜為司馬何潘仁使李綱入

見

長知兩翻見賢遍翻

淵留之以為丞相府司錄

錄者總錄一府之事隋自文帝

受禪後不復有丞相府亦無官屬唐公輔政位絕羣后凡官屬皆復特置之

專掌選事

選宣應翻

又以前考功郎中竇威為司錄參軍使定禮儀威熾之

子也

竇熾隋初三公

淵傾府庫以賜勲人國用不足右光祿大

夫劉世龍獻策

隋散職左右光祿從二品

以為今義師數萬並在京

師樵蘇貴而布帛賤請伐六街及苑中樹為樵

長安城中六街

苑城包漢故都抵渭水

以易布帛可得數十萬匹淵從之已已以

李建成為唐世子李世民為京兆尹秦公李元吉為齊

公河南諸郡盡附李密唯滎陽太守楊汪尚為隋守

慶河間王弘之子弘高祖從祖弟也煬帝改宋州為梁郡鄆音荀為子偽翻下同

密以書招慶

為陳利害且曰王之家世本住山東本姓郭氏乃非楊

族芝焚蕙歎事不同此初慶祖父元孫早孤隨母郭氏

養於舅族及武元帝從周文起兵關中

楊忠謚武元皇帝

元孫

在鄴恐為高氏所誅

北齊高氏

冒姓郭氏故密云然慶得書

惶恐即以郡降密

降戶江翻下同

復姓郭氏

十二月癸未追

謚唐王淵大父襄公為景王考仁公為元王夫人竇氏

為穆妃

襄公虎仁公昭實氏穀之女是為太穆皇后謚神至翻

薛舉遣其子仁

果寇扶風唐弼據汧源拒之

汧源縣隋屬扶風郡汧苦堅翻

舉遣使招

弼弼乃殺李弘芝請降於舉

唐弼立李弘芝見一百八十二卷大業十年使疏吏

翻降戶江翻

仁果乘其無備襲破之悉并其衆弼以數百騎

走詣扶風請降扶風太守竇瑒殺之舉勢益張

守式又翻張知

亮

衆號三十萬謀取長安聞丞相淵已定長安遂圍扶

風淵使李世民將兵擊之

將即亮

又使姜謩竇軌俱出散

關

大散關在扶風郡陳倉縣西南散悉亶

安撫隴右左光祿大夫李孝恭

招慰山南府戶曹張道源招慰山東

道源丞相府戶曹也

孝恭淵

之從父兄子也

從才用

癸巳世民擊薛仁果於扶風大破

之追奔至隴坻而還

坻丁禮翻又丁計翻還從亶翻又如字

薛舉大懼問

其羣臣曰自古天子有降事乎黃門侍郎錢唐褚亮曰

隋志錢唐縣屬餘杭郡降戶江翻下同

趙佗歸漢

事見漢高祖文帝紀佗徒何翻

劉禪仕

晉

事見魏紀晉紀

近世蕭琮至今猶貴

謂蕭氏子弟也

轉禍為福自古

有之衛尉卿郝瑗趨進曰陛下失問褚亮之言又何悖

也

郝呼各翻瑗子春翻悖蒲妹翻

昔漢高祖屢經奔敗

見本紀

蜀先主亟亡

妻子

見漢獻帝紀亟去吏翻

卒成大業

卒子恤翻

陛下奈何以一戰不

利遽為亡國之計乎舉亦悔之曰聊以此試君等耳乃

厚賞瑗引為謀主 乙未平涼留守張隆丁酉河池太

守蕭瑀及扶風漢陽郡相繼來降

煬帝改成州為漢陽郡武都仇池之地也

守式又翻降戶江翻

以竇璡為工部尚書燕國公

璡則鄰翻燕因肩翻

蕭瑀

為禮部尚書宋國公

瑀音高

姜暮竇軌進至長道

元魏分上

祿置長道縣

為薛舉所敗引還

敗補邁翻還從宣翻

淵使通議大

隋屬漢陽郡

夫醴泉劉世讓安集唐弼餘黨

通議大夫隋散職從四品隋志醴泉縣屬京兆

郡後魏之寧夷縣

與舉相遇戰敗為舉所虜李孝恭

開皇十八年改名

擊破朱粲諸將請盡殺其俘

將即亮翻

孝恭曰不可自是以

往誰復肯降矣

復扶又翻

於是自金川出巴蜀檄書所至降

附者三十餘州

隋志金川縣帶西城郡漢西城縣地梁初曰上廉後曰吉陽西魏改曰吉安後

周以西城入焉大業三年改曰金川以其地產金也自金川出巴中自巴中則至蜀矣

屈突通

與劉文靜相持月餘通復使桑顯和夜襲其營

屈居勿翻復扶

又翻

文靜與左光祿大夫段志玄悉力苦戰顯和敗走盡

俘其衆通勢益盛或說通降通泣曰吾歷事兩主

兩主謂文

帝煬帝說式尚翻降戶江翻下同

恩顧甚厚食人之祿而違其難

難乃旦翻

吾不為也每自摩其頸曰要當為國家受一刀勞勉將

士未嘗不流涕

為于偽翻勞力到翻將即亮翻

人亦以此懷之丞相淵

遣其家僮召之通立斬之及聞長安不守家屬悉為淵

所虜乃留顯和鎮潼關引兵東出將趣洛陽

趣七喻翻又逡須翻

通適去顯和即以城降文靜

降戶江翻

文靜遣竇琮等將輕

騎與顯和追之及於稠桑

號州湖城縣有稠桑驛琮徂宗翻將即亮翻又音如字領

也騎奇寄翻

通結陳自固

陳讀曰陣

竇琮遣通子壽往諭之通罵

曰此賊何來昔與汝為父子今與汝為仇讎命左右射

之

射而亦翻

顯和謂其衆曰今京城已陷汝輩皆關中人去

欲何之衆皆釋仗而降通知不免下馬東南向再拜號

哭曰

號戶刀翻

臣力屈至此非敢負國天地神祇實知之

祇其

支翻軍人執通送長安

考異曰革命記高祖令諸將擊通通走出潼關仍令通子壽隨軍

喚父至稠桑追及之壽告通云天下今既喪亡相王舉義兵平定禍亂大人須轉禍為福以自保全單馬輕身將欲何往通叱壽云此賊何由可耐引弓射之壽招喚通兵士並悲放仗來降壽乃馳走抱通請大人屈節歸義通遂回首東南向泣號哭口稱至尊臣力屈以至於此非臣敢虧名節違背國恩然始收淚赴軍以見唐王今從唐書唐裴矩傳屈突通敗問至江都煬帝問矩方畧矩曰太原有變京畿不靜遙為處分恐失事機唯鑒輿早還方可平定按隋失天下皆因矩諂諛所致豈敢輒勸帝西還蓋矩經事唐朝其子孫及史官附益此語欲蓋其惡耳

今所不取

淵以為兵部尚書賜爵蔣公

蔣古國名

兼秦公

元帥府長史

長知兩翻

淵遣通至河東城下招諭堯君素君

素見通歔歔不自勝

歔音虛歔音希又許既翻勝音升

通亦泣下霑衿

因謂君素曰吾軍已敗義旗所指莫不響應事勢如此

卿宜早降君素曰公為國大臣主上委公以關中代王

付公以社稷奈何負國生降乃更為人作說客邪

降戶江翻

為子偽翻說輸為翻邪音耶

公所乘馬即代王所賜也公何面目乘

之哉通曰吁君素我力屈而來君素曰方今力猶未屈何

用多言通慙而退東都米斗三錢人餓死者什二三

庚子王世充軍士有亡降李密者密問世充軍中何

所為軍士曰比見益募兵再饗將士不知其故

比此至翻

密

謂裴仁基曰吾幾落奴度中

幾居依翻

光祿知之乎吾久不

出兵世充芻糧將竭求戰不得故募兵饗士欲乘月晦

以襲倉城耳宜速備之乃命平原公郝孝德琅邪公王

伯當齊郡公孟讓勒兵分屯倉城之側以待之

郝呼各翻邪音

耶其夕三鼓世充兵果至伯當先遇之與戰不利世充

兵即陵城總管魯儒拒却之伯當更收兵擊之世充大

敗斬其驍將費青奴

驍堅亮翻將即亮翻費扶沸翻

士卒戰溺死者千

餘人世充屢與密戰不勝

北考異曰蒲山公傳云自洛敗至此七十餘戰河洛記

云四十餘戰再三失越王侗遣使勞之

侗他紅翻使疏吏翻勞力到翻

世充訴以兵少數戰疲弊

少詩沼翻數所角翻

侗以兵七萬益之

劉文靜等引兵東略地取弘農郡遂定新安以西

隋志

河南郡陝縣舊置弘農郡大業初置弘農宮別自有弘農郡領弘農盧氏長泉朱陽等縣新安縣亦屬河南郡其地在陝東則取弘農郡併弘農宮取之矣

甲辰李淵遣雲陽令詹俊武

功縣正李仲袞徇巴蜀下之

隋志雲陽武功二縣皆屬京兆郡煬帝改縣尉為縣

正詹姓也周有詹父楚有詹尹考異曰創業注十一月甲子遣使慰諭巴蜀實錄在十二月甲辰唐歷在十一月丙午未知創業注所云者即俊等邪為別使也今從實錄

乙巳方與賊帥張善

安襲陷廬江郡

隋志方與縣屬彭城郡煬帝改廬州為廬江郡方與音房豫帥所類

因

度江歸林士弘於豫章士弘疑之營於南塘上

煬帝改洪州為

豫章郡水經注南昌縣南塘本通大江漢永元中太守張躬築塘以通南路大江南江也善安恨之

襲破士弘焚其郛郭而去士弘徙居南康蕭銑遣其將

蘇胡兒襲豫章克之

將即亮翻

士弘退保餘干

煬帝改虔州為南康郡餘

干縣屬鄱陽郡

資治通鑑卷一百八十四

欽定四庫全書

資治通鑑卷一百八十五

宋 司馬光 撰

胡三省 音註

唐紀一

起著雍攝提格正月盡七月不滿一年唐古國名陸德明曰周成王母弟叔虞封於唐其

地帝堯夏禹所都之墟漢曰太原郡在古冀州太行恒山之西太原太岳之野李唐之先李虎與李弼等八人佐周伐魏有功皆為柱國家周閔帝受魏禪虎已卒乃追錄其功封唐國公生子昝襲封昝生淵襲封起兵克長安進封唐王遂受隋禪國因號曰唐

高祖神堯大聖光孝皇帝上之上

諱淵字叔德本隴西成紀人七

世祖曷王西涼是為涼武昭王至曾孫熙家于武川熙孫虎從周文帝始家長安

武德元年

是年五月受隋禪始改元

春正月丁未朔隋恭帝詔唐王劍

履上殿贊拜不名

隋志按漢自天子至于百官無不佩刀蔡謨儀云大臣優禮者皆劍履上殿非

侍臣解之蓋防刃也近代以木未詳所起東齊著令謂為象劍言象於劍周武帝時百官燕會並帶刀升座至開皇初因襲舊式朝服升殿亦不解焉十二年因蔡徵上事始制凡朝會應登殿坐者劍履俱脫其不坐者勅召奏事及須升殿亦就席解劍乃登納言黃門內史令侍郎舍人既夾侍之官則不脫其劍皆真刃非假又准晉咸康元年定今故事自天子以下皆衣冠帶劍今天子則玉具火珠鐔有惟侍臣帶劍上殿自王公以下非殊禮引升殿皆就席

解而後升復下曰寫單下曰履諸非侍臣皆脫履升殿
寫唯冕服及具服著之履則諸服皆用凡朝會贊拜則
曰某官某不名亦殊禮
也上時掌翻鏢紙招翻

唐王既克長安以書諭諸郡縣於

是東自商洛

隋志商洛縣屬上洛郡
取商山洛水以名縣也

南盡巴蜀郡縣長吏

及盜賊渠帥氐羌酋長爭遣子弟入見請降有司復書日

以百數

長知兩翻帥所類翻酋才
由翻見賢遍翻降戶江翻

王世充既得東都兵進擊

李密於洛北敗之

敗補
邁翻

遂屯鞏北

鞏縣
之北

辛酉世充命諸軍

各造浮橋度洛擊密橋先成者先進前後不一虎賁郎將

王辯破密外柵

賁音奔將
即亮翻

密營中驚擾將潰世充不知鳴

角收衆密因帥敢死士乘之

帥讀曰率

世充大敗爭橋溺死者

萬餘人

溺奴秋翻

王辯死世充僅自免洛北諸軍皆潰世充不敢入

東都北趣河陽

趣七喻翻又遼須翻

是夜疾風寒雨軍士涉水沾濕道

路凍死者又以萬數世充獨與數千人至河陽

考異曰隋書北史

李密傳曰世充復移營洛北南對鞏縣其後遂於洛水造浮橋悉衆以擊密密出擊之官軍稍却自相陷溺者數萬人世充僅而獲免不敢還東都遂趣河陽其夜雨雪尺餘衆隨之者死亡殆盡王世充傳曰充敗績赴水溺死者萬餘人時天寒大雪兵士既度水衣皆濡濕在道凍死者又數萬人蒲山公傳曰世充移營就洛水之北與密隔洛水以相望密密乃築長城掘深塹周迴七十里以自固十五日世充與密戰於石窟寺東密軍退敗

世充度洛水以乘之逼倉城為營塹密縱兵疾戰世充兵馬棄仗奔亡沉溺死者不可勝數密又令露布上府曰世充以今月十一日平旦屯兵洛北偷入月城其月十五日世充及王辯才等又於倉城北偷渡水南敢逼城堞河洛記曰十六日充與密戰於石窟寺東又曰其夜遇風寒疾雨士卒凍死十不存一充脫身宵遁直向河陽餘如蒲山公傳略記曰辛酉王世充移兵洛北仍令諸軍臨岸布兵軍別造浮橋橋先成者輒渡既前後不一而李密伏發我師敗績爭橋赴水溺死者十五六雜記曰十二月越王遣太常少卿韋霽等率留守兵三萬並受世充節度又曰王辯縱等敗衆軍亦潰爭橋赴水死者大半王辯縱等皆沒唯世充敗免與數百騎奔大通城敗兵得還者於道遭大雨凍死者六七千人世充停留大通十餘日懼罪不還十四年正月越王遣世充兄世惲往大通慰諭赦世充喪師之罪按李道玄勸進於李密表云于時律始太孩未宜霖霖而澍雨忽降

東瑯將盡今參取衆書日自繫獄請罪越王侗遣使赦

之使疏吏翻同它紅翻召還東都賜金帛美女以安其意世充收

合亡散得萬餘人屯含嘉城

含嘉城蓋在都城之北按舊書王世充傳含嘉倉城

也不敢復出復扶又翻密乘勝進據金墉城修其門堞廬舍

而居之堞達又翻鉦鼓之聲聞於東都開音未幾擁兵三十

萬陳於北汜陳讀曰陣南逼上春門乙丑金紫光祿大夫段

達民部尚書韋津出兵拒之達望見密兵盛懼而先還

密縱兵乘之軍遂潰韋津死

考異曰隋書列傳不言戰日蒲山公傳此戰在四

月九日略記亦云四月乙未李密率衆北據邙山南接上春門段達韋津出兵拒之兵未交而達懼先還入城軍遂潰亂乙未二十一日也今據河洛記正月十九日世充又與密戰於上春門外韋津沒焉又二月房彥藻與竇建德書亦云幕府以去月十九日親董貔貅西取洛邑其蒲山公傳四月已後月日興事多差互不合今略記及隋段達傳於是偃師柏谷及河陽都尉獨孤武

都檢校河內郡丞柳燮職方郎柳續等

隋制職方郎各屬兵部尚書

舉所部降於竇建德朱粲孟海公徐圓朗等並遣使

奉表勸進

降戶江翻使疏吏翻考異曰河洛記云盧祖尚亦通表於密按祖尚本起兵為隋事恐

不爾今

密官屬裴仁基等亦上表請正位號

上時密曰

東都未平不可議此 戊辰唐王以世子建成為左元

帥秦公世民為右元帥

帥所類翻

督諸軍十餘萬人救東都

東都乏食太府卿元文都等募守城不食公糧者進散

官二品於是商賈執象而朝者不可勝數

象者象笏也西魏以來五

品已上通用象牙賈音古朝直遙翻勝音升

二月己卯唐王遣太常卿鄭元

璿將兵出商洛徇南陽

煬帝改鄧州為南陽郡璿珠玉翻將即亮翻

左領軍

府司馬安陸馬元規徇安陸及荆襄

隋十二衛府各有長史司馬煬帝改

安州為安陸郡荆州南郡襄州襄陽郡

李密遣房彥藻鄭頊等

頊他東出鼎翻

黎陽分道招慰州縣以梁郡太守楊汪為上柱國宋州

總管

煬帝改宋州為梁郡守式又翻

又以手書與之曰昔在雍丘曾相

追捕

事見一百八十三卷大業十二年

射鉤斬袂不敢庶幾

管仲射齊桓公中帶

鉤桓公用之以相晉寺人披伐公子重耳斬其袂文公不怨今以袂為袂射而亦翻幾居希翻

汪遣使

往來通意密亦羈縻待之

使疏吏翻

彥藻以書招竇建德使

來見密建德復書卑辭厚禮託以羅藝南侵請捍禦北

垂彥藻還至衛州賊帥王德仁邀殺之

帥所類翻下同

德仁有

衆數萬據林慮山

衛州隋為汲郡林慮山在魏郡林慮縣慮音廬

四出抄掠為

數州之患

抄楚交翻

三月己酉以齊公元吉為鎮北將軍

考異曰創業注改太原留守為鎮北府在去年十一月己巳蓋因元吉進封齊公言之耳今從實錄太

原道行軍元帥都督十五郡諸軍事聽以便宜從事

隋煬帝至江都

大業十二年煬帝至江都

荒淫益甚宮中為百餘房

各盛供張

張竹亮翻

實以美人日令一房為主人江都郡丞

趙元楷掌供酒饌

饌離戀翻又離皖翻

帝與蕭后及幸姬歷就宴

飲酒卮不離口從姬千餘人亦常醉

離力智翻從才用翻

然帝見

天下危亂意亦擾擾不自安退朝則幅巾短衣策杖步

遊徧歷臺館非夜不止汲汲顧景唯恐不足帝自曉占

候卜相好為吳語

亮朝直遇翻相息

常夜置酒仰視天文

謂蕭后曰外間大有人圖儂

吳人率自稱曰儂

然儂不失為長

城公卿不失為沈后

長城公陳叔寶叔寶后沈氏

且共樂飲耳

樂音洛

因引滿沈醉

沈持林翻

又嘗引鏡自照顧謂蕭后曰好頭頸

誰當斫之后驚問故帝笑曰貴賤苦樂更迭為之

樂音洛更

工衛翻

亦復何傷

復扶又翻

帝見中原已亂無心北歸欲都丹

楊

帝改蔣州為丹楊郡蓋欲都建康也

考

保據江東

異曰大業記

帝欲南巡會稽今從隋書

命羣臣廷議之內史侍郎虞世基等皆以為善右候衛

大將軍李才極陳不可請車駕還長安與世基忿爭而

出門下錄事衡水李桐客曰

隋制門下省置錄事通事令史各六人衡水縣屬信

都郡開皇十六年分信都北界武邑西界下博南界置宋白曰衡水縣本漢桃縣

江東卑濕土

地險狹內奉萬乘外給三軍民不堪命亦恐終散亂耳

御史劾桐客謗毀朝政

乘繩證翻劾戶槩翻又戶得翻朝直通翻

於是公卿

皆阿意言江東之民望幸已久陛下過江撫而臨之此

大禹之事也

禹南巡狩會諸侯於會稽

乃命治丹楊宮將徙都之

治直

之翻時江都糧盡從駕驍果多闕中人從才用翻久客思

鄉里見帝無西意多謀叛歸郎將竇賢遂帥所部西走

將即亮翻下帝遣騎追斬之騎寄翻而亡者猶不止帝患

之虎賁郎將扶風司馬德戡素有寵於帝賁音奔帝使

領驍果屯於東城德戡與所善虎賁郎將元禮直閤裴

虔通謀曰煬帝制左右監門府有今驍果人人欲亡我

欲言之恐先事受誅先悉不言於後事發亦不免族滅

奈何又聞閤內淪沒李孝常以華陰叛事見上卷上

因其二弟欲殺之我輩家屬皆在西能無此慮乎二人皆懼曰然則計將安出德戡曰驍果若亡不若與之俱去二人皆曰善因轉相招引內史舍人元敏虎牙郎將

趙行樞鷹揚郎將孟秉符璽郎牛方裕直長許弘仁薛

世良城門郎唐奉義醫正張愷勳侍楊士覽等

隋初門下省統

城門尚食尚藥符璽御府殿內等六局各有直長煬帝以城門尚食尚藥御府等五局隸殿內省改符璽監為郎城門置校尉後又改校尉為城門郎又置司醫醫佐等官意者醫正即司醫也勳侍三侍之一也璽斯氏翻

長知兩翻

皆與之同謀日夜相結約於廣座明論叛計無所

畏避有宮人白蕭后曰外間人人欲反后曰任汝奏之

宮人言於帝帝大怒以為非所宜言斬之其後宮人復

白后

復扶又翻

后曰天下事一朝至此無可救者何用言之

徒令帝憂耳

今力丁翻

自是無復言者趙行樞與將作少監

宇文智及素厚

少始照翻

楊士覽智及之甥也二人以謀告

智及智及大喜德戡等期以三月望日結黨西適智及

曰主上雖無道威令尚行卿等亡去正如竇賢取死耳

今天實喪隋

喪息浪翻

英雄並起同心叛者已數萬人因行

大事此帝王之業也德戡等然之行樞薛世良請以智及兄右屯衛將軍許公化及為主結約既定乃告化及化及性驚怯聞之變色流汗既而從之

考異曰蒲山公傳曰趨行樞

楊士覽以司馬德戡謀告化及化及兄弟聞之大喜因引德戡等相見士及說德戡等曰足下等因百姓之心謀非常之事直欲走逃故非長策德戡曰為之奈何士及曰官家雖言無道臣下尚畏服之聞公叛亡必急相追捕竇賢之事殷鑒在近不如嚴勅士馬攻其宮闕因入之欲稱廢昏凶事必克成然後詳立明哲天下可安吾徒無患矣勲庸一集公等坐延榮祿縱事不成威聲大振足得官家膽懾不敢輕相追討遲疑之間自延數日此其議定公等行亦已遠如此則去住之計俱保萬全不亦可乎德戡等大悅曰明哲之望豈惟楊家眾心

實在許公故是人天協契士及佯驚曰此非意所及但與公等思救命耳華命記曰帝知歷數將窮意欲南渡江水咸言不可帝知朝士不欲渡乃將毒藥醞酒二十石擬三月十六日為宴會而酖殺百官南陽公主恐其夫死乃陰告之而事泄為此始謀害帝以免禍並是兇逆之旅妄構此詞于時上下離心人懷異志帝深猜忌情不與人醞若不虛藥須分付有處遣何人併醞二十石藥酒必其酒有酖毒一石堪殺千人審欲擬殺羣寮謀之者必有三五衆謀自然早泄豈得獨在南陽只是虔通恥有殺害之謀推過惡於人主耳隋書化及傳云化及弑逆士及在公主第弗之知也智及遣家僮莊桃樹就第殺之桃樹不忍執詣智及久之乃見釋南陽公主傳責士及云但謀逆之日察君不預知耳葛唐書士及傳云化及謀逆以其主壻深忌之而不告按士及仕唐為宰相隋書亦唐初修或者史官為士及隱惡賈杜二書之言亦似可信但杜儒童自知醞藥酒為虛則南

陽陰告之事亦非其實如賈潤甫之說則弒君之謀皆出士及而智及為良人矣今且從隋書而刪去莊桃樹事及南陽之語帝改左庶幾疑以傳疑德戡使許弘仁張愷入備身府右領左

右府為左告所識者云陛下聞驍果欲叛多醢毒酒欲右備身府

因享會盡鴆殺之獨與南人留此驍果皆懼轉相告語

語牛反謀益急乙卯德戡悉召驍果軍吏諭以所為皆倂翻

曰唯將軍命是日風霾晝昏霍亡皆翻晡後德戡盜御

廐馬潛厲兵刃是夕元禮裴虔通直閣下專主殿內唐

奉義主閉城門與虔通相知諸門皆不下鍵

健戶偃翻陳楚謂戶

為鎗壯健

至三更

更工衡翻

德戡於東城集兵得數萬人舉火與

城外相應帝望見火且聞外諠囂問何事虔通對曰草

坊失火外人共救之耳時內外隔絕帝以為然智及與

孟秉於城外集千餘人

此城外謂江都宮城之外

劫候衛虎賁馮普

樂布兵分守衢巷

左右候衛主晝夜巡察故劫之普樂蓋虎賁郎將賁音奔樂音洛

燕

王倓覺有變

倓元德太子昭之子代王侑之弟倓徒甘翻

夜穿芳林門側水

竇而入至玄武門詭奏曰臣猝中風

中竹仲翻

命懸俄頃請

得面辭裴虔通等不以聞執囚之丙辰天未明德戡授

虔通兵以代諸門衛士虔通自門將數百騎至成象殿

將即亮翻
騎奇寄翻

宿衛者傳呼有賊虔通乃還閉諸門獨開東

門驅殿內宿衛者令出皆投仗而走右屯衛將軍獨孤

盛謂虔通曰何物兵勢太異虔通曰事勢已然不預將

軍事將軍慎毋動盛大罵曰老賊是何物語不及被甲

與左右十餘人拒戰為亂兵所殺

被皮義翻
蒲山公傳虔通於成

象殿前遇將軍獨孤盛時內直宿陳兵廊下以拒之詔

曰天子在此爾等何敢兇逆叱兵接戰兵皆倒戈虔通

謂盛曰公何暗於機會恐他人以公為勲耳盛叱之曰

國家榮寵盛者正擬今日且宿衛天居唯當效之以死

注弦不動俄為亂兵所擊斃於階下略記詰旦諸門已
開而外傳呼有賊虔遁乃還閉諸門唯開正東一門而
驅殿內執仗者出莫不投仗亂走屯衛大將軍獨孤盛
揮刀叱之曰天子在此爾等走欲何之然亂兵交萃俄
而斃於階下今從

盛楷之弟也

獨孤楷見一百七十九卷文帝仁壽二年

牛獨孤開遠

煬帝制千牛十六人掌執千牛刀帥殿內屬領左右府開遠獨孤后之兄子

兵數百人詣玄武門叩閤請曰兵仗尚全猶堪破賊陞

下若出臨戰人情自定不然禍今至矣竟無應者軍士

稍散賊執開遠義而釋之先是帝選驍健官奴數百人

置玄武門

先悉薦劄

謂之給使以備非常待遇優厚至以宮

人賜之司宮魏氏為帝所信

司宮蓋即尚宮之職

化及等結之使

為內應是日魏氏矯詔悉聽給使出外倉猝際制無一

人在者德賤等引兵自玄武門入帝聞亂易服逃於西

閣虔通與元禮進兵排左閣魏氏啓之遂入永巷問陞

下安在有美人出指之校尉令狐行達拔刀直進

校尉戶教翻

今音鈴

帝映窻扉謂行達曰汝欲殺我邪

邪音耶

對曰臣不

敢但欲奉陛下西還耳因扶帝下閣

還從宣翻入音如字

虔通本

帝為晉王時親信左右也帝見之謂曰卿非我故人乎

何恨而反對曰臣不敢反但將士思歸欲奉陛下還京

師耳

將即虎翻

帝曰朕方欲歸正為上江米船未至

夏口以上為上

江為子偽翻

今與汝歸耳虔通因勒兵守之至旦孟秉以甲

騎迎化及

騎奇寄下同

化及戰栗不能言人有來謁之者但

俛首據鞍稱罪過

罪過今世俗謙謝之辭俛音免

化及至城門

宮城門也

德

戡迎謁引入朝堂號為丞相

朝直遙翻下同號戶刀翻呼也

裴虔通謂

帝曰百官悉在朝堂陛下須親出慰勞

勞力到翻

進其從騎

逼帝乘之

從才用翻

帝嫌其鞍勒弊更易新者乃乘之虔通

執轡挾刀出宮門賊徒喜譟動地化及楊言曰何用持

此物出亟還與手

與手魏齊間人率有是言言與之毒手而殺之也宋孝建初薛安都助順

有大功從弟道生亦以軍功為大司馬參軍犯罪為棘陵令薛淑之所鞭安都大怒乘馬執稍從數十人欲往殺淑之行至朱雀航逢柳元景問何之安都曰薛淑之鞭我從弟指往刺殺之元景曰小子無宜適卿往與手甚快安都既回馬元景復呼使入車帝問世基何在賊諛止之此與手之微也亟起力翻

黨馬文舉曰已梟首矣於是引帝還至寢殿虔通德戡

等拔白刃侍立帝歎曰我何罪至此文舉曰陛下違棄

宗廟巡遊不息外勤征討內極奢淫使丁壯盡於矢刃

女弱填於溝壑四民喪業

喪息浪翻

盜賊蠭起專任佞諛飾

非拒諫何謂無罪帝曰我實負百姓至於爾輩榮祿兼

極何乃如是今日之事孰為首邪

邪音耶

德戡曰溥天同

怨何止一人化及又使封德彝數帝罪

數所具翻又所主翻

帝曰

卿乃士人何為亦爾德彝赧然而退帝愛子趙王杲年

十二在帝側號慟不已虔通斬之血濺御服

赧奴板翻慟而而赤

也號戶刀翻賤子賤翻

賊欲弑帝帝曰天子死自有法何得加以

鋒刃取鴆酒來文舉等不許使令狐行達頤帝令坐帝

自解練巾授行達縊殺之

金力丁翻縊於賜翻又於計翻絞也考異曰蒲山公傳

河洛記皆云于洪達縊帝今從隋書及略記

初帝自知必及於難常以罌貯

毒藥自隨

難乃旦翻罌於耕翻貯丁呂翻

謂所幸諸姬曰若賊至汝曹

當先飲之然後我飲及亂顧索藥

索山客翻

左右皆逃散竟

不能得蕭后與宮人撤漆牀板為小棺與趙王杲同殯

於西院流珠堂帝每巡幸常以蜀王秀自隨囚於驍果

營化及弑帝欲奉秀立之衆議不可乃殺秀及其七男

又殺齊王暕及其二子并燕王倓隋氏宗室外戚無少

長皆死

陳古限翻曉堅堯翻少詩照翻長知兩翻

唯秦王浩素與智及往來

且以計全之

浩秦王後之子

齊王陳素失愛於帝

陳失愛事始一百八十一

卷大業四年

恒相猜忌帝聞亂顧蕭后曰得非阿孩邪

陳小字阿

孩恒戶登翻

化及使人就第誅陳陳謂帝使收之曰詔使且

緩兒

使疏吏翻

兒不負國家賊曳至街中斬之陳竟不知殺

者為誰父子至死不相明又殺內史侍郎虞世基御史

大夫裴蘊左翊衛大將軍來護兒秘書監袁充右翊衛

將軍宇文協千牛宇文昂

昂戶丁翻

梁公蕭鉅等及其子鉅

琮之弟子也

蕭琮故梁主琮藏宗翻

難將作江陽長張惠紹馳告

裴蘊

江陽縣帶江都郡舊廣陵也大業初更名長知兩翻

與惠紹謀矯詔發郭下

兵收化及等扣門援帝

與上更有蘊字大意乃明

議定遣報虞世基

告反者不實抑而不許須臾難作

難乃

蘊歎曰謀及播

郎竟誤人事

播郎虞世基小字

虞世基宗人伋謂世基子符璽

郎熙曰事勢已然吾將濟卿南度同死何益熙曰棄父

背君

璽斯氏翻背蒲妹翻

求生何地感尊之懷

尊謂伋也

自此決矣世

基弟世南抱世基號泣請代化及不許

號戶翻

黃門侍郎

裴矩知必將有亂雖廝役皆厚遇之

廝音斯今人讀如瑟

又建策

為驍果娶婦

事見上卷上年為于偽翻

及亂作賊皆曰非裴黃門之

罪既而化及至矩迎拜馬首故得免化及以蘇威不預

朝政亦免之

朝直遙翻

威名位素重往參化及化及集眾而

見之曲加殊禮百官悉詣朝堂賀給事郎許善心獨不

至許弘仁馳告之曰天子已崩宇文將軍攝政闔朝文

武咸集

朝直遙翻

天道人事自有代終何預於叔而低回若

此善心怒不肯行弘仁反走上馬泣而去化及遣人就

家擒至朝堂既而釋之善心不舞蹈而出化及怒曰此

人大負氣復命擒還殺之其母范氏年九十二撫柩不

哭曰能死國難吾有子矣因卧不食十餘日而卒

上時掌翻

復扶又翻 柩音舊 難乃旦翻 卒子恤翻

唐王之入關也張季珣之弟仲琰

為上洛令

張季珣死節見上卷上年上洛縣隋帶上洛郡

帥吏民拒守部下殺

之以降

帥讀曰率降戶江翻

字文化及之亂仲琰弟琮為千牛左

右

隋制領左右府有千牛左右司射左右

化及殺之兄弟三人皆死國難

時人愧之化及自稱大丞相總百揆以皇后令立秦王

浩為帝居別宮令發詔畫敕書而已仍以兵監守之

力全

丁翻監
古衡翻

化及以弟智及為左僕射士及為內史令裴矩

為右僕射

乙卯徙秦公世民為趙公

戊辰隋恭帝

詔以十郡益唐國仍以唐王為相國總百揆唐國置丞
相以下官又加九錫王謂僚屬曰此諂諛者所為耳孤
秉大政而自加寵錫可乎必若循魏晉之迹彼皆繁文
偽飾欺天罔人考其實不及五霸而求名欲過三王此
孤常所非笑竊亦恥之或曰歷代所行亦何可廢王曰

堯舜湯武各因其時取與異道皆推其至誠以應天順

人未聞夏商之末必效唐虞之禪也若使少帝有知必

不肯為

少詩
照翻

若其無知孤自尊而飾讓平生素心所不

為也但改丞相為相國府其九錫殊禮皆歸之有司

宇文化及以左武衛將軍陳稜為江都太守綜領留事

守式
又翻

壬申令內外戒嚴云欲還長安皇后六宮皆依舊

式為御營營前別立帳化及視事其中仗衛部伍皆擬

乘輿

乘繩
證翻

奪江都人舟楫取彭城水路西歸

煬帝改徐
州為彭城

郡檄與
根同

以折衝郎將沈光驍勇

煬帝置折衝郎將正四品掌領驍果屬領左右

府將即亮翻下
同驍堅克翻

使將給使營於禁內

既立御營以御行營之內為禁內

至顯福宮虎賁郎將麥孟才虎牙郎錢傑

煬帝制十二衛府每衛置

護軍四人掌副貳將軍尋改護軍為虎賁郎將而置虎牙郎將副焉虎牙郎下當有將字

與光謀曰

吾儕受先帝厚恩今俛首事讎受其驅帥

儕士皆翻俛音免帥請曰

率不
同

何面目視息世間哉吾必欲殺之死無所恨光泣

曰是所望於將軍也孟才乃糾合恩舊

恩舊與之有舊恩者

帥所

將數千人期以晨起將發時襲化及語洩

帥請曰率洩恩列翻

及夜與腹心走出營外留人告司馬德戡等使討之光

聞營內諠知事覺即襲化及營空無所獲值內史侍郎

元敏數而斬之

數所具翻又所主翻

德戡引兵入圍之殺光其麾

下數百人皆闕死一無降者

降戶江翻

孟才亦死孟才鐵杖

之子也

鐵杖死於渡遼之役

武康沈法興

隋志武康縣屬餘杭郡劉昫曰吳分烏程餘杭

二縣立永安縣晉改為永康又改為武康唐分屬湖州

世為郡著姓宗族數千家

法興為吳興太守

又翻

聞宇文化及弑逆舉兵以討化

及為名

考異曰太宗實錄舊唐帝紀二月法興據比并楊起兵按法興起兵討化及當在弑逆後比

至烏程得精卒六萬遂攻餘杭毗陵丹陽皆下之

按烏程縣

帶吳興郡沈法興既為吳興守而云舉兵至烏程者法興傳云大業末法興為吳興郡守東陽賊樓世幹略其郡煬帝詔法興與太僕丞元祐討之義寧二年江都亂法興執祐舉兵名討宇文化及三月發東陽行收兵趣江都下餘杭北至烏程衆六萬如此則自東陽至烏程也比必寐翻

據江表十餘郡自稱

江南道大總管承制置百官

陳國公竇抗唐王之妃

兄也煬帝使行長城於靈武

行循行也音下孟翻

聞唐王定關中

癸酉帥靈武鹽川等數郡來降

煬帝改靈州為靈武郡鹽州為鹽川郡帥讀曰

率

夏四月稽胡寇富平

隋志富平縣屬京兆郡杜佑曰稽胡一名步落稽蓋匈奴

別種自離石以西安將軍王師仁擊破之又五萬餘人
定以東方七八百里

寇宜春相國府諮議參軍竇軌將兵討之戰於黃欽山

宜春當作宜君隋志宜君縣屬京兆郡有清水水經注
清水出雲陽縣之石門山東南流逕黃嶽山西將即亮

同下 稽胡乘高縱火官軍小却軌斬其部將十四人拔

隊中小校代之勒兵復戰

校戶教翻復扶又翻

軌自將數百騎居

軍後令之曰聞鼓聲有不進者自後斬之既而鼓之將

士爭先赴敵稽胡射之不能止

騎奇寄翻射而亦翻

遂大破之虜

男女二萬口世子建成等至東都軍於芳華苑東都

閉門不出遣人招諭不應李密出軍爭之小戰各引去
城中多欲為內應者趙公世民曰吾新定關中根本未

固雖得東都不能守也遂不受戍寅引軍還

還從宣翻
又音如字

世民曰城中見吾退必來追躡乃設三伏於三王陵以

待之

水經注三王陵在河南縣西南柏亭東北三王或
言周景王悼王定王也崔浩曰定當為敬子朝作

亂西周政弱人荒悼敬二王與景
王俱葬於此故世以三王名陵

段達果將萬餘人追

之遇伏而敗世民逐北抵其城下

東都
城下

斬四千餘級遂

置新安宜陽二郡

新安後周置中州及東垣縣隋廢州
改縣名宜陽後魏置郡隋開皇初廢

為縣與新安皆屬河南郡今並置郡使行軍總管史萬寶盛彥師鎮宜陽

姓苑後漢西羌傳有北海大守盛苞其先姓夷避元帝諱改姓盛余按戰國策秦有盛橋則盛姓尚矣呂

紹宗任瓊將兵鎮新安而還任音壬瓊古回翻置二郡內以蔽關輔外以圖東都

運從宣翻又如字初五原通守櫟陽張長遜煬帝改豐州為五原郡新唐書

張五遜京兆櫟陽人隋志京兆無櫟陽縣櫟音藥守式又翻以中原大亂舉郡附突

厥突厥以為割利特勒郝瑗說薛舉厥九勿翻郝呼各翻瑗子春翻說輪

與梁師都及突厥連兵以取長安舉從之時啓民

可汗之子咄苾可從刊入聲汗音寒咄當沒翻苾毗必翻號莫賀咄設建牙

直五原之北舉遣使與莫賀咄設謀入寇

咄設當沒翻使疏吏翻下同

莫賀咄設許之唐王使都水監宇文歆賂莫賀咄設

開

初立都水臺置使者大業改為都水監改使者為監

且為陳利害止其出兵又說

莫賀咄設遣張長遜入朝以五原之地歸之中國莫賀

咄設並從之

為于偽翻咄當沒翻朝直遜翻下同

已卯武都宕渠五原等

郡皆降

武都漢郡西魏置武州煬帝復為郡宕渠漢縣梁置渠州煬帝改為宕渠郡此二郡與五原同

日來降故連書之宕徒浪翻

王即以長遜為五原太守

守武又翻

長遜又

詐為詔書與莫賀咄設示知其謀莫賀咄設乃拒舉師

都等不納其使

使疏吏翻

戊戌世子建成等還長安

異考曰

創業注在三月今從太宗實錄

東都號令不出四門人無固志朝議

郎段世宏等謀應西師會西師已還

西師謂建成等之師還從宣翻又音

如乃遣人招李密期以己亥夜納之事覺越王命王世

充討誅之密聞城中已定乃還 宇文化及擁衆十餘

萬據有六宮自奉養一如煬帝每於帳中南面坐人有

白事者嘿然不對下牙方取啓狀與唐奉義牛方裕薛

世良張愷等參決之

劉滿事始曰兵書曰牙旗者將軍之精凡始建牙必以制日刺者其

辰在五行以上剋下之日也又尚書曰門旗二口色紅
八幅大將牙門之旗出引將軍前列又黃帝出軍決曰
牙旗者將軍之精金枝者將軍之氣周禮司常職云軍
旅會同置旌門夫以旌為門即旗門也後世軍中遂置
牙門將又有牙兵典總此名者以押牙為名至於官府
早晚軍吏兩謁亦名為衙呼謂既熟雖天子正殿受朝
謁亦名正衙以少主浩付尚書省令衛士十餘人守之
少始照翻

遣令史取其畫敕

隋門下省有錄事通事令史各六人

百官不復朝參至

彭城水路不通復奪民車牛得二千兩

復扶又翻朝直逐翻兩力讓翻

並載宮人珍寶其戈甲戎器悉令軍士負之道遠疲劇

軍士始怨司馬德戡竊謂趙行樞曰君大謬誤我

行樞建言

以化及為主

當今撥亂必籍英賢化及庸暗羣小在側事將

必敗若之何行樞曰在我等耳廢之何難初化及既得

政賜司馬德戡爵溫國公加光祿大夫以其專統驍果

心忌之後數日化及署諸將分部士卒

驍堅堯翻將即亮翻

以德

戡為禮部尚書外示美遷實奪其兵柄德戡由是憤怒

所獲賞賜皆以賂智及智及為之言乃使之將後軍萬

餘人以從

及為于偽翻將即亮翻從才用翻

於是德戡行樞與諸將李

本尹正卿宇文導師等謀以後軍襲殺化及更立德戡

為主遣人詣孟海公結為外助

孟海公據曹州

遷延未發待海

公報許宏仁張愷知之以告化及化及遣宇文士及陽
為遊獵至後軍德戡不知事露出營迎謁因執之化及
讓之曰與公戮力共定海內出於萬死今始事成方願
共守富貴公又何反也德戡曰本殺昏主苦其淫虐推
立足下而又甚之逼於物情不得已也化及縊殺之并
殺其支黨十餘人孟海公畏化及之彊帥眾具牛酒迎
之

帥請曰
率下同

李密據鞏洛以拒化及

洛水至鞏入
河故曰鞏洛

化及不

得西引兵向東郡東郡通守王軌以城降之

守式又翻降戶江翻

下辛丑李密將井陘王君廓帥衆來降

隋志井陘縣屬恒山郡將即亮

翻下同陘音刑帥請曰率

考異曰太宗實錄曰王君

愕郎鄆人君廓寇畧郎鄆君愕往投之因謂君廓陳井

陘之險勸先往據之君廓從其言北井陘山歲餘會義

師入定關中乃與君廓率所部萬餘人歸順拜大將軍

與君廓事皆出太宗實錄而不同如此今據

君廓本羣

高祖實錄稱李密將王君廓降從君廓傳

盜有衆數千人與賊帥韋寶鄧豹合軍虞鄉

劉昫曰虞鄉縣漢解

縣地後魏分置虞鄉縣隋志屬河東郡帥所類翻

唐王與李密俱遣使招之

使疏

翻寶豹欲從唐王君廓偽與之同乘其無備襲擊破之

奪其輜重

重直用翻

奔李密密不禮之復來降

復扶又翻

拜上柱

國假河內太守

蕭銑即皇帝位置百官準梁室故事

謚其從父琮為孝靖皇帝

謚神至翻從才用翻

祖巖為河間忠烈

王父璿為文憲王

璿音旋

封董景珍等功臣七人皆為王

遣宋王楊道生擊南郡下之徙都江陵

煬帝改荊州為南郡江陵帶郡

修復園廟引岑文本為中書侍郎使典文翰委以機密

又使魯王張繡徇嶺南隋將張鎮周王仁壽等拒之既

而聞煬帝遇弒皆降於銑欽州刺史寧長真亦以鬱林

始安之地附於銑

煬帝改欽州為寧越郡長真刺史文帝所命也鬱林郡梁定川也後改為

南定州平陳改為尹州大業初改為漢陽太守馮盎以

蒼梧高涼珠崖番禺之地附於林士宏

新唐書馮盎傳曰隋仁壽初盎

平潮成叛獫狁拜漢陽太守隋亡奔還嶺表據有諸郡蒼梧郡梁置成州開皇初改為封州煬帝改為郡改高州為高涼郡崖州為珠崖郡番禺南海郡治番禺番禺愚銑士宏各遣人招交趾太

守丘和

煬帝改交州為交趾郡

和不從銑遣寧長真帥嶺南之兵

自海道攻和

帥請曰率下同

和欲出迎之司法書佐高士廉

煬帝

改郡諸司參軍為書佐

說和曰長真兵數雖多懸軍遠至不能持

久城中勝兵足以當之

說輸為翻下
並同勝音升

奈何望風受制於

人和從之以士廉為軍司馬將水陸諸軍逆擊破之

即將

亮翻長真僅以身免盡俘其衆既而有驍果自江都至

驍

亮翻得煬帝凶問亦以郡附於銑士廉勸之子也

高勸北齊清河

王岳之子
勸音邁

始安郡丞李襲志遷哲之孫也

李遷哲凡一百七十七卷

太建二年

隋末散家財募士得三千人以保郡城蕭銑林士

宏曹武徹迭來攻之皆不克聞煬帝遇弒帥吏民臨三

日

臨力翻

或說襲志曰公中州貴族

按李襲志之先隴西狄道人後為金川安

康人此必出其家傳以門地自高耳

久臨鄆郡華夷悅服今隋室無主海

內鼎沸以公威惠號令嶺表尉佗之業可坐致也

尉佗事見

漢高帝紀

佗徒何翻襲志怒曰吾世繼忠貞今江都雖覆宗社尚

存尉佗狂僭何足慕也欲斬說者衆乃不敢言堅守二

年外無聲援城陷為銃所虜銃以為工部尚書檢校桂

州總管於是東自九江

煬帝改江州為九江郡

西抵三峽南盡交

趾北距漢川

此漢川謂漢水以南之地非漢中之漢川郡

銃皆有之勝兵四

十餘萬

勝音升

煬帝凶問至長安唐王哭之慟曰吾北

面事人失道不能救敢忘哀乎 五月山南撫慰使馬

元規擊朱粲於冠軍破之

冠軍縣屬南陽郡使
疏吏翻冠古玩翻

王德

仁既殺房彥藻

事見上
二月

李密遣徐世勣討之德仁兵敗

甲寅與武安通守袁子幹皆來降詔以德仁為鄴郡太

守

煬帝改涿州為武安郡相州為魏郡
此又改魏郡為鄴郡也守式又翻

戊午隋恭帝

禪位於唐遜居代邸

隋開皇元年受禪歲在辛丑三主
三十八年而亡 考異曰創業注

此詔在四月
今從實錄

甲子唐王即皇帝位於太極殿

即隋大興
殿也唐既

受禪改為
太極殿

遣刑部尚書蕭造告天於南郊大赦改元

元改

武德

罷郡置州以太守為刺史

大業三年改州為郡

推五運為土德

色尚黃

隋煬帝凶問至東都戊辰留守官奉越王即

皇帝位

越王侗亦元德太子昭子

大赦改元皇泰是時於朝堂宣旨

以時鐘金草

朝直遙翻說大曰鐘當也

公私皆即日大祥

大祥禫

追謚

大行曰明皇帝廟號世祖追尊元德太子曰成皇帝廟

號世宗尊母劉良娣為皇太后以段達為納言陳國公

王世充為納言鄭國公

隋制門下省納言二人

元文都為內史令

魯國公皇甫無逸為兵部尚書杞國公又以盧楚為內

史令

隋初內史省置監令各一人尋廢監置令二人

郭文懿為內史侍郎趙長

文為黃門侍郎共掌朝政

長知兩翻朝直遙翻

時人號七貴皇泰

主眉目如畫溫厚仁愛風格儼然

辛未突厥始畢可

汗遣骨咄祿特勒來

厥九勿翻可從刊入聲汗音寒突厥官子弟曰特勒咄當沒翻

宴

之於太極殿奏九部樂

杜佑曰武德初因隋舊制九部樂一宴樂二清商三西涼四扶

南五高麗六龜茲七安國八疎勒九康國前一百八十一卷隋大業四年引杜佑註九部樂與此不同又考宋

祁新唐志唐有十部樂有十四國技以八國入十部而不明指八國為何國此亦異同而難考者也時中

國人避亂者多入突厥突厥彊盛東自契丹室韋西盡

吐谷渾高昌諸國皆臣之

契欺訖翻入音喫吐從暇入聲谷音浴

控弦百

餘萬帝以初起資其兵馬前後餉遺不可勝紀

遺于季翻勝音

升突厥恃功驕倨每遣使者至長安多暴橫

使疏吏翻橫戶孟翻

帝優容之 壬申命裴寂劉文靜等修定律令置國子

太學四門生合三百餘員

唐六典國子生文武官三品已上及國公子孫從二品已

上曾孫太學生文武官五品已上及郡縣公子孫從三品曾孫四門生文武官七品已上及侯伯子男子若庶

人子為俊士生若後魏劉芳表云太和二十年立四門博士於四門置學按禮記云天子設四學鄭玄注周四

郊之虞庠也今以其連遠故置郡縣學亦各置生員
於四門請移與太學同處從之

六月甲戌朔以趙公世民為尚書令黃臺公瑗為刑部

侍郎

黃臺縣公東魏置黃臺縣於
潁川大業初廢瑗子恭翻

相國府長史裴寂為

右僕射知政事司馬劉文靜為納言司錄竇威為內史

令李綱為禮部尚書參掌選事

長知兩
選宣綱翻

掾殷開山為

吏部侍郎

掾于
綱翻

屬趙慈景為兵部侍郎韋義節為禮部

侍郎主簿陳叔達博陵崔民幹並為黃門侍郎

煬帝改
定州為

博陵
郡

唐儉為內史侍郎錄事參軍裴晔為尚書左丞以

隋民部尚書蕭瑀為內史令禮部尚書竇璡為戶部尚

書

按六典貞觀二十三年避太宗諱始改民部尚書為戶部尚書史家以後來官名書之也瑀音禹進則鄴

翻

蔣公屈突通為兵部尚書

屈居翻

長安令獨孤懷恩為

工部尚書瑗上之從子懷恩舅子也

從木用翻

上待裴寂特

厚羣臣無與為比賞賜服玩不可勝紀

勝音升

命尚書奉

御日以御膳賜寂

尚書當作尚食六典尚食奉御二人屬殿中省

視朝必引與

同坐入閣則延之卧内言無不從稱為裴監而不名

寂仕

隋為晉陽宮監親之以舊官稱之朝直遙翻

委蕭瑀以庶政事無大小無不

關掌瑀亦孜孜盡力繩違舉過人皆憚之毀之者衆終

不自理上嘗有敕而內史不時宣行

隋唐之制凡王言下內史省皆宣署

中覆而施行之

上責其遲瑀對曰大業之世內史宣敕或前後

相違有司不知所從其易在前其難在後臣在省日久

瑀在隋朝為內史侍郎故云然易以鼓翻

備見其事今王業經始事繫安危

遠方有疑恐失機會故臣每受一敕必勘審使與前敕

不違始敢宣行稽緩之愆實由於此上曰卿用心如是

吾復何憂

又復扶翻

初帝遣馬元規慰撫山南南陽郡丞

河東呂子臧獨據郡不從

是年二月遣馬元規

元規遣使數輩諭

之使疏史翻皆為子臧所殺及煬帝遇弑子臧發喪成禮然

後請降拜鄧州刺史

南陽郡復為鄧州降戶江翻下同

封南郡公廢

大業律令頒新格上每視事自稱名引貴臣同榻而

坐劉文靜諫曰昔王導有言若太陽俯同萬物使羣生

何以仰照

事見九十卷元帝太興元年

今貴賤失位非常久之道上

曰昔漢光武與嚴子陵共寢子陵加足於帝腹

事見後漢書嚴

光傳今諸公皆名德舊齒平生親友宿昔之歡何可忘也

公勿以為嫌戊寅隋安陽令呂珉以相州來降

隋安陽縣

帶相州相
息亮翻

以為相州刺史

己卯祔四親廟主追尊皇

高祖瀛州府君曰宣簡公皇曾祖司空曰懿王皇祖景

王曰景皇帝廟號太祖祖妣曰景烈皇后皇考元王曰

元皇帝廟號世祖妣獨孤氏曰元貞皇后追諡妃竇氏

曰穆皇后

瀛州府君熙司空天
賜景王亮元王晒

每歲祀昊天上帝皇地

祇神州地祇以景帝配

神州地祇神州迎州冀州戎州
拾州桂州營州咸州陽州九州

之祇也祇
翹移翻

感生帝明堂以元帝配

古者帝王之興必感
五精之氣以生隋以

火德王祀赤熒怒為威帝唐
以土德王祀含樞紐為感帝庚辰立世子建成為皇太

子趙公世民為秦王齊公元吉為齊王宗室黃瓜公白

駒為平原王

案白駒蓋先封黃瓜縣公黃瓜縣蓋拓拔魏所置在上邦界水經注黃瓜水發源黃

瓜谷西東流逕黃瓜縣北又東北歸於籍水籍水既與黃瓜水合又東逕上邦城南蜀公孝基為

永安王柱國道玄為淮陽王長平公叔良為長平王鄭

公神通為永康王安吉公神符為襄邑王柱國德良為

新興王上柱國博义為隴西王上柱國奉慈為勃海王

孝基叔良神符德良帝之從父弟博义奉慈弟子道玄

從父兄子也

從才用翻

癸未薛舉冠涇州

復以安定郡為涇州後魏置涇

州治高平因
湮水為名

以秦王世民為元帥將八總管兵以拒之

帥所類翻
將即亮翻

遣太僕卿宇文明達招慰山東以永安王

孝基為陝州總管

義寧初以河南陝縣為定
農郡今為陝州陝失冉翻

時天下未

定凡邊要之州皆置總管府以統數州之兵 乙酉奉

隋帝為鄴國公

鄴戶
圭翻

詔曰近世以來時運遷革前代親

族莫不誅夷興亡之效豈伊人力其隋蔡王智積等子

孫並付所司量才選用

量音
良

東都聞宇文文化及西來

上下震懼有蓋琮者

蓋古蓋
翻姓也

上疏請說李密與之合勢

拒化及

說輸
高翻

元文都謂盧楚等曰今讐恥未雪而兵力

不足若赦密罪使擊化及兩賊自鬪吾徐承其弊化及

既破密兵亦疲又其將士利吾官賞易可離間

易以鼓
翻間占

翻

并密亦可擒也楚等皆以為然即以琮為通直散騎

常侍

散
悉竄翻
騎奇寄翻

齊敕書賜密

丙申隋信都郡丞東萊

麴稜來降拜冀州刺史

隋信都郡入唐為冀州東萊郡
為萊州宋曰曰萊州古萊夷地

春秋萊子之國齊滅萊以在
國之東故曰東萊降戶江翻

萬年縣法曹武城孫伏

加上表

周明帝二年分長安為萬年縣與長安並居京
城隋改為大興縣唐受禪復為萬年與長安並

為赤縣萬年縣治宣揚坊頌朱雀街東五十四坊長安縣治長壽坊頌街西五十四坊隋煬帝改縣尉為縣正尋改正為戶曹法曹分司以丞郎之六司唐復為縣尉而六司各置佐史孫伏伽萬年法曹蓋隋官也武城縣漢之東武城也唐志以為隋以惡聞其過亡天下陛下屬貝州伽求伽翻

龍飛晉陽遠近響應未暮年而登帝位徒知得之之易

不知隋失之之不難也

惡為路翻易以歧翻下同

臣謂宜易其覆轍

務盡下情凡人君言動不可不慎竊見陛下今日即位

而明日有獻鷄雛者此乃少年之事豈聖主所須哉

鷄

台翻少詩詔翻

又百戲散樂亡國淫聲

百戲散樂齊周隋所以亡國散悉宜翻

近

太常於民間借婦女裙襦五百餘襲

襦人朱翻

以充妓衣

妓渠

綺翻

擬五月五日玄武門遊戲此亦非所以為子孫法也

凡如此類悉宜廢罷善惡之習朝夕漸染

漸子廉翻

易以移

人皇太子諸王參僚左右宜謹擇其人其有門風不能
雍穆為人素無行義專好奢靡以聲色遊獵為事者皆

不可使之親近也

行下孟翻好呼到翻近其新翻

自古及今骨肉乖離

以至敗國亡家未有不因左右離間而然也

間古覓翻

願陛

下慎之上省表大悅

省悲景翻

下詔褒稱擢為治書侍御史

治直之翻

賜帛三百匹仍頒示遠近 辛丑內史令延安靖

公竇威薨以將作大匠竇抗兼納言黃門侍郎陳叔達

判納言

兼判皆非正官

字文化及留輜重於滑臺

滑臺滑州治所重直

用翻以王軌為刑部尚書使守之引兵北趣黎陽

趣七喻翻又遠

須翻李密將徐世勣據黎陽畏其軍鋒以兵西保倉城

將即

亮翻化及度河保黎陽分兵圍世勣密帥步騎二萬壁於

清淇

汲郡之衛縣古朝歌也隋開皇十六年分置清淇縣大業初廢入衛縣李密蓋壁于故縣也

與

世勣以烽火相應深溝高壘不與化及戰化及每攻倉

城密輒引兵以掎其後

掎居密翻

密與化及隔水而語

隔淇水也

密數之曰卿本匈奴皂隸破野頭耳

隋書宇文述傳本姓破野頭役屬鮮

卑侯豆歸從其主為

父兄子弟並受隋恩富貴累世舉

朝莫二

朝置遙翻

主上失德不能死諫反行弑逆欲規篡奪

不追諸葛瞻之忠誠

諸亮瞻亮之子蜀之亡也瞻死之

乃為霍禹之惡

逆

霍禹光之子漢宣親政禹謀為大逆遂以滅族

天地所不容將欲何之若速

來歸我尚可得全後嗣化及默然俯視良久瞋目大言

曰與爾論相殺事何須作書語邪

嗣祥史翻曠昌真翻邪音耶

密謂

從者曰

從才用翻

化及庸愚如此忽欲圖為帝王吾當折杖

驅之耳化及盛修攻具以逼倉城世勸於城外掘深溝

以固守化及阻塹不得至城下世勸於塹中為地道出

兵擊之

塹七翻

化及大敗焚其攻具時密與東都相持日

久又東拒化及常畏東都議其後見蓋琮至大喜遂上

表乞降

蓋古盍翻上時掌翻降戶江翻

請討滅化及以贖罪送所獲雄

武郎將于洪建

楊帝募驍果置左右雄武府雄武郎將以領之也將即亮翻

遣元帥

府記室參軍李儉上開府徐師譽等入見皇泰主命戮

洪建於左掖門外如斛斯政之法

斛斯政見一百八十二卷大業十年帥

所類翻下同見

元文都等以密降為誠實盛飾賓館於

宣仁門東

六典東都東城在皇城之東東曰宣仁門

皇泰主引見儉等以儉

為司農卿師譽為尚書右丞使具導從列饒吹

從才用翻饒女

交翻似鈴無舌吹昌瑞翻

還館玉帛酒饌中使相望

饌雖戀翻又士免翻

冊拜

密太尉尚書令東南道大行臺行軍元帥魏國公令先

平化及然後入朝輔政

朝直遙翻

以徐世勣為右武侯大將

軍仍下詔稱密忠款且曰其用兵機略一稟魏公節度

元文都喜於和解謂天下可定於上東門置酒作樂

六典

東都城東面三門中曰建春南曰永通北曰上東

自段達已下皆起舞王世充

作色謂起居侍郎崔長文曰

六典起居郎因起居注以爲名起居注者記錄人君

動止之事漢獻帝及西晉以後諸帝皆有起居注皆史官所錄自隋置爲職員列爲侍臣專掌其事每季爲卷送付史官按隋志煬帝減內史舍人員加置起居舍人員然未有侍郎起居侍郎始見於此長知兩翻

朝

廷官爵乃以與賊其志欲何爲邪

邪音耶

文都等亦疑世

充欲以城應化及由是有隙然猶外相彌縫陽爲親善
秋七月皇泰主遣大理卿張權鴻臚卿崔善福賜李密

書曰今日以前咸共刷蕩

醴陵

使至以後

史翻

彼此通

懷七政之重佇公匡弼

日月五星謂之七政佇待也

九伐之利委公

指揮

周官大司馬以九伐之法正邦國

權等既至密北面拜受詔書既

無西慮

密軍在鞏洛東郡城在兩

悉以精兵東擊化及密知化及軍

糧且盡因偽與和化及大喜恣其兵食冀密饋之會密

下有人獲罪亡抵化及具言其情化及大怒其食又盡

乃度永濟渠與密戰于童山之下

隋志汲郡衛縣有同山

自辰達

酉密為流矢所中墮馬悶絕左右奔散追兵且至唯秦

叔寶獨捍衛之密由是獲免叔寶復收兵與之力戰化

及乃退

中竹翻
復扶又翻

化及入汲郡求軍糧又遣使考掠東

郡吏民以責米粟

使疏吏翻
音考掠音亮

王軌等不堪其弊遣通

事舍人許敬宗詣密請降

隋內書省有通事舍人十六人降戶江翻

以軌為

滑州總管

改東郡為滑州滑州治白馬春秋衛之潁邑宋魏兵爭以滑臺為重鎮隋開皇三年置滑

州取滑臺為名也

以敬宗為元帥府記室與魏徵共掌文翰敬

宗善心之子也

善心死於江都之難

房公蘇威在東郡隨衆降密

密以其隋氏大臣虛心禮之威見密初不言帝室艱危

唯再三舞蹈稱不圖今日復覩聖明時人鄙之化及聞

王軌叛大懼自汲郡引兵欲取以北諸郡其將陳智畧

帥嶺南驍果萬餘人樊文超帥江淮排攢

將即亮翻帥讀曰率攢作

管翻張童兒帥江東驍果數千人皆降於密文超子蓋之

子也

樊子蓋事煬帝有守東都之功

化及猶有衆二萬北趣魏縣

隋志魏縣

屬武陽郡時李密改武陽郡為魏州趣七喻翻又迫須翻

密知其無能為西還鞏洛

留徐世勣以備之 乙巳宣州刺史周超擊朱粲敗之

宣州疑當作宜州敗補遺翻下同

丁未梁師都寇靈州

復以靈武郡為靈州宋白

曰靈州漢富平縣地後魏孝昌二年置靈州

驃騎將軍蘭興榮擊破之義師初起

改隋鷹揚郎將曰軍頭尋改軍頭驃騎將軍驃匹妙翻騎奇寄翻

突厥闕可汗遣使

內附

西突厥闕度設處於會寧隋亂自稱可汗使疏吏翻可從刊入聲汗音寒

初闕可汗附

於李軌隋西戎使者曹瓊據甘州誘之

西戎使者蓋隋煬帝所置宋白

曰西魏廢帝二年以張掖為甘州隋大業以乃更附瓊為張掖郡唐復以張掖郡為甘州誘音西

乃更附瓊

與之拒軌為軌所敗竄於達斗拔谷與吐谷渾相表裏

敗補邁翻吐從暇入聲谷音谷

至是內附尋為李軌所滅薛舉進逼

高塢

新志寧州定平縣有高塢城塢章起翻

遊兵至於幽岐

唐復以北地郡為幽州扶

風郡為岐州
詳見下卷

秦王世民深溝高壘不與戰會世民得瘡

疾

瘡魚約翻

委軍事於長史納言劉文靜

劉文靜以納言為秦王行軍長史長

知兩

司馬殷開山

殷開山以吏部侍郎為行軍司馬

且戒之曰薛舉懸

軍深入食少兵疲若來挑戰

少始紹翻挑徒了翻

慎勿應也俟吾

疾愈為君等破之

為于偽翻

開山退謂文靜曰王慮公不能

辦故有此言耳且賊聞王有疾必輕我宜曜武以威之

乃陳於高塠西南

陳請曰陣

恃衆而不設備舉潛師掩其後

壬子戰於淺水原

新志邠州宜祿縣有淺水原

入總管皆敗士卒死

者什五六大將軍慕容羅睺李安遠劉宏基皆沒世民

引兵還長安舉遂拔高墪收唐兵死者為京觀觀古玩翻文

靜等皆坐除名 乙卯榆林賊帥郭子和遣使來降所帥

類翻使疏吏翻下同降戶江翻

以為靈州總管 李密每戰勝必遣使

告捷於皇泰主隋人皆喜王世充獨謂其麾下曰元文

都輩刀筆吏耳吾觀其勢必為李密所擒且吾軍士屢

與密戰沒其父兄子弟前後已多一旦為之下吾屬無

類矣欲以激怒其衆文都聞之大懼與盧楚等謀因世

充入朝伏甲誅之

朝直
通翻

段達性庸懦

懦
又懦
奴過翻

恐其事

不就遣其壻張志以楚等謀告世充戊午夜三鼓世充

勒兵襲含嘉門

含嘉門蓋以通含嘉城而名
考異曰
河洛記初元文都欲自為御史盧楚等

為宣詔王世充固執以為不可乃止文都大恨盧楚私謂文都曰王世充是外軍一將非留守達官比者頌軍虜為奔徙吾方卹外姦且從捨過翻更宰制人事跋扈縱橫此而不除恐為國患文都曰未可即殺且欲當朝上奏御前縛之璵繫於獄楚曰善文都懷奏入殿臨欲施行趙季卿私告之世充遂奔含嘉以作亂是時宮中亦遣使傳報世充為皇妹故也初世充妻蕭氏早亡後有胡氏者復在江都皇妹主乃以皇妹嫁之至是爭權遂起兵馬文都等全趙方海前後追世充世充乃托疾不受召按世充正為興文都爭李密事相誅耳恐事不

因此今不取

元文都聞變入奉皇泰主御乾陽殿

乾陽殿隋東都宮正

殿

陳兵自衛命諸將閉門拒守

將即亮翻

將軍跋野綱將兵

出遇世充下馬降之

跋野虜複姓

將軍費曜田闌戰於門外

不利

費父沸翻闌視遮翻又音都

文都自將宿衛兵欲出玄武門以

襲其後

玄武門宮城北門

長秋監段瑜

煬帝大業三年改內侍省為長秋監

稱求

門鑰不獲稽留遂久天且曙文都復欲引兵出太陽門

逆戰還至乾陽殿世充已攻太陽門得入

按舊書王世充傳太陽門

宮城東門

皇甫無逸棄母及妻子斫右掖門西奔長安

六典皇城

在都城西北隅南面三門中

盧楚匿於太官署

太官署在光祿

寺百僚廨署皆在皇城之內

世充之黨擒之至興教門見世充

皇宮南面

三門左曰興教

世充令亂斬殺之進攻紫微宮門皇泰主使人

登紫微觀

觀門闕也音古玩翻

問稱兵欲何為世充下馬謝曰元

文都盧楚等橫見規圖

橫戶孟翻

請殺文都甘從刑典段達

乃令將軍黃桃樹執送文都文都顧謂皇泰主曰臣今

朝死陛下夕至矣皇泰主慟哭遣之出興教門亂斬如

盧楚并殺盧元諸子段達又以皇泰主命開門納世充

世充悉遣人代宿衛者然後入見皇泰主於乾陽殿

見賢

過制下同

皇泰主謂世充曰擅相誅殺曾不聞奏豈為臣之

道乎公欲肆其彊力敢及我邪

邪音耶

世充拜伏流涕謝

曰臣蒙先皇采拔粉骨非報文都等苞藏禍心欲召李

密以危社稷疾臣違異深積猜嫌臣迫於救死不暇聞

奏若內懷不臧違負陛下天地日月實所照臨使臣闔

門殄滅無復遺類

復扶又翻

詞淚俱發皇泰主以為誠引令

升殿與語久之因與俱入見皇太后

皇泰主之母劉良娣

世充被

髮為誓稱不敢有貳心

被皮義翻

乃以世充為左僕射總督

內外諸軍事比及日中

比必寢翻

捕獲趙長文郭文懿殺之

二人蓋盧元之堂長知兩翻

然後巡城告諭以誅元盧之意世充自

含嘉城移居尚書省漸結黨援恣行威福用兄世暉為

內史令

暉於粉翻

入居禁中子弟咸典兵馬分政事為十頭

悉以其黨主之勢震內外莫不趨附皇泰主拱手而已

李密將入朝

朝直遙翻

至溫

隋志溫縣屬河內郡

聞元文都等死乃

還金墉東都大饑私錢濫惡大半雜以錫鑊

隋開皇初凡用之錢

皆須和以錫鑼錫鑼既賤求利者多私鑄之錢不可禁
約乃詔禁出錫鑼之處不得私扶立傍置樣錢不中樣
者不入於市大業之季王綯弛索私鑄益多錢轉薄惡
初馬每千猶重二斤漸輕至一斤或剪鐵鏐裁皮糊紙
以為錢相雜用之錢鏐
固宜多矣鏐戶間翻其細如線米斛直錢八九萬

初李密嘗受業於儒生徐文遠文遠為皇泰主國子祭
酒自出樵采為密軍所執密令文遠南面坐備弟子禮

北面拜之文遠曰老夫既荷厚禮

荷下可翻

敢不盡言未審

將軍之志欲為伊霍以繼絕扶傾乎則老夫雖遲暮猶
願盡力若為莽卓乘危邀利則無所用老夫矣密頓首

曰昨奉朝命備位上公

朝直達
翻下同

冀竭庸虛匡濟國難

難乃

旦此密之本志也文遠曰將軍名臣之子

李密寬之子
寬為周將以

驍勇
著名

失塗至此若能不遠而復猶不失為忠義之臣及

王世充殺元文都等密復問計於文遠

復扶
又翻

文遠曰世

充亦門人也其為人殘忍褊隘既乘此勢必有異圖將

軍前計為不諧矣非破世充不可入朝也

朝直
達翻

密曰始

謂先生儒者不達時事今乃坐決大計何其明也文遠

孝嗣之玄孫也

徐孝嗣
相蕭齊

庚申詔隋氏離宮遊幸之所

並廢之 戊辰遣黃臺公瑗安撫山南

瑗於卷翻

巳巳以

隋右武衛將軍皇甫無逸為刑部尚書

隋河間郡丞

王琮守郡城以拒羣盜

琮祖宗翻

竇建德攻之歲餘不下聞

煬帝凶問帥吏士發喪乘城者皆哭建德遣使弔之琮

因使者請降

帥讀曰率使疏吏翻降戶江翻下同

建德退舍具饌以待之

琮言及隋亡俯伏流涕建德亦為之泣

饌雞翻又雞晚翻為於偽翻

諸將曰琮久拒我軍殺傷甚衆力盡乃降請烹之建德

曰琮忠臣也吾方賞之以勸事君奈何殺之往在高雞

泊為盜容可妄殺人今欲安百姓定天下豈得害忠良

乎乃徇軍中曰先與王琮有怨敢妄動者夷三族以琮

為瀛州刺史

復以河間郡為瀛州宋白曰瀛州漢為河間國後漢為樂成國後魏於樂成縣立瀛

州取瀛海為名

於是河北郡縣聞之爭附於建德

盜亦有道豈欺我哉先

是建德陷景城執戶曹河東張玄素將殺之

景城縣隋志屬河間

郡舊曰成平開皇十八年改名張玄素為縣戶曹也先悉薦鞠

縣民千餘人號泣請代

其死

號戶鞠

曰戶曹清慎無比大王殺之何以勸善建德

乃釋之以為治書侍御史固辭及江都敗復以為黃門

侍郎玄素乃起

史言隋之故官漸就仕於他姓治直之翻復扶又翻

饒陽令宋正

本

隋志饒陽縣屬河間郡

博學有才氣說建德以定河北之策

說

隋

建德引為謀主建德定都樂壽

隋志樂壽縣屬河間郡舊曰樂城開皇十

八年改為廣城仁壽初改今名劉昫曰後魏移縣東北

近古樂縣亭因改為樂壽焉按瀛州河間郡時治樂壽

宋白曰太和十一年河間郡自樂城移理於今樂壽縣

西一里樂壽亭城隋開皇廢郡置瀛州大業廢州為河

間郡樂

命所居曰金城宮備置百官

音洛

資治通鑑卷一百八十五